

6993

საქართველოს
საბჭოთაო
საბჭოთაო

საქართველოს საბჭოთაო საბჭოთაო

საქართველოს
საბჭოთაო
საბჭოთაო





1917



საქართველოს
საბჭოთაო
საბჭოთაო

№ № X—XII.



შინაარსი

I—ზარმაეის დილა,—სურათი	1
II—ღრუბელი, —ლექსი დ. კლიოზამუელისა	3
III—ფერო, —(შემდეგ) მოთხრობა ინ-ბანასა	5
IV—* * —ლექსი შიო მღვათელისა	21
V—ისევ ზღაპარი,—გიგო ხათაძისა	23
VI—„მომეცით ფეხი... ჩემი ფეხი... ის მთელი ფეხი ფეხი, —ცალფეხა გ. დომთათაძისა	29
VII—ვის ერგებოდა ოქროს ტარიანი მათრახი, —(ხალხურა ზღაპარი) საწერალი ჭაყურელის შაქრ	2
VIII—დამკეწარი ვარდი, —ლექსი ი. ხახარაძისა	39
IX—შავ ტუნანტას შვილობილი, —მოთხრობა ჯემისონისა, (შემდეგი) თარგმანი დათავო ხათაძისა	40
XI—გასართობი: —ლაბირინთი, — თეო კანდელაკისა. —ან-დაზები, ხალხური ლექსები სადღევგრძელო	53



ღრუბელი



აწი დაფორინავ მსუბუქად,
მსუბუქად დავიარები;
არსად დამხედება კედელი,
არც მისი რკინის კარები.

ხან აქ გავჩნდები, ხან იქა,
ვუმზერ მთელ არე-მარესა;

ხან მზის სხივს გადაეხვევი,
ხან მოელვარე მთვარესა.

რას არა ვხედავ მე მგზავრი,—
მინდორს, ვენახებს, ველებსა;
მაღალ კლდეს, დაბალ გორაკებს
ლომებრ ღრიალა ხეებსა.

იმ დღეს ერთ მინდორს წაეაწყდი,
შევკრთი, ატირდა გულია;
თვალთ დამიბნელდა უეცრივ,
თვალს მოეკიდა რულია.

ადამიანი თავის ძმას
ებრძოდა, ეომებოდა;
ერთი აქ, მეორე იქით
უპატრონოდა კედებოდა.

სისხლს შეეღება მიღამო,
 სისხლში სკურავდა მოლია;
 მთელს არეს სქლადა ჰფარავდა
 ეშმაკთ მანქანის ბოლია.

იღვა კვნესა და ვაება,
 ტირილი შესაზარია;
 საბრალოდ იხუკებოდა
 ათი-ათასის თვალია...


ახლაც თუმც ცაში დაფერიანავ
 მსუბუქად დავიარები;
 არსადა მხედება კედელი,
 არც მისი რკინის კარები;

მაგრამ მიკვდება მე გული,
 მწარედ მიშფოთავს სულია;
 წყლულებით განკურნებულსა
 კვალად მიჩნდება წყლულია.

ეფიქრობ: ძმამ თავის ძმაზედა
 რისთვის გაიღო ხელები;
 რისთვის გაუხდნენ ერთმანეთს
 დაუღალავი მტერები?!..

დ. ელიოზიშვილი





უ ე რ ო

(შემდეგი*)

უ



ინდ-ბუნდი ნელ-ნელა ეპარებოდა დედა-მიწის ზურგსა. მზე უკანასკნელ სხივებს აბნევედა. გალაენის ალვის ხეებზე პაწია ფრინველთ თავი მოეყარათ და სალამოს საგალობელს მიუძღენიდნენ ცალის თვალით მომზირალ მნათობს. ფერო გალაენის ბურჯზე გადამდგარიყო და ხან სანახაობით სტკებოდა, ხან ოცნების მორევში დასრიალებდა გონების ნავითა.

*) იხილე „ნაკადული“-ს მე-8 და მე-9 №№.

თავლიდან ცხენები გამოიყვანეს. თან გიგი გამოჰყვა!

— აბა ჩქარა, ჰა! შეკაზმეთ! ნუ დაგილიათ პირები! — დაუტატანა თავისებურად მეჯინიბეთ.

ცოტა ხნის უკან ბორკილების ჩხარა-ჩხური გაისმა და ბურჯზე მდგომმა ფერომ გალაენისაყენ მოიხედა: ორ შეიარაღებულ მეომარს ხელ-ფეხ შებოკილი ზაზა მოჰყავდა. ყაჩაღი ქრილობისაგან მორჩენილიყო და მეფესთან ჰგზავნიდნენ. ახალგაზდას მელიდურად ეჭირა თავი, თვალეები საშინლად უბჭყვრიალებდნენ; სახეზე შეურაცხყოფით გამოწვეული მრისხანება აღბეჭდვოდა. ფერო რომ დაინახა, მონაოკებული შუბლი გაეხსნა და ცასაებრ მოეწმინდა. სახე სიკეთით და ღმობიერებით გაუბრწყინდა.

— ანგელოზი! ჩემი ანგელოზი! — წაიჩურჩულა გახარებულმა და ქვევითა ქუთუთოების წამწამებზე ორი მარგალიტი გადმოეკიდა.

ანგელოზმა კი ჯერ გაიღიმა, მაგრამ მერე ღიმილი მალე ზიზლად შეეცვალა და შებოკილ ადამიანს ზურგი შეაქცია.

— უამბიათ ნაცილი, უამბიათ! — სთქვა გამწარებულმა ზაზამ.

— ყმაწვილო, ცხენები მხად არის! — ამცნო ხმა-მალლა გიგის. — მეფესთან უნდა წაგაბძანოთ... აბა, ბიკებო, — მიმართა ახლა დარაჯთ, — შეხსენით ფეხებიდან ბორკილი, რომ ცხენზე აღვილად შევსვათ.

დარაჯთ ტყვეს ფეხებიდან ბორკილი კი მოაშორეს, მაგრამ სამაგიეროდ ხელები მაგრა ჩაუკრეს.

ფერო ყველაფერს გრძნობდა, ზურგთ უკან რაცა ხდებოდა, და კი არ იხედებოდა: ვერა ჰხედავდა. მართალია ქაბუკი ეზიზღებოდა, მაგრამ ამასთანავე ებრალებოდა კიდევ.

— არიქა, გაიქცევა! გალაენის კარები დაკეტეთ! — გაისმა შეშინებული გიგის ხმა.



ფერომ მიიხედა, და რა დაინახა: ხელებ-გაკრულები ცხენზე გამოკიმულიყო და თავისუფლად დატრიალებდა ვალივანში. დარაჯნი კი პირდაღებულნი შესცქეროდნენ.

— ეგ, რა ქნა, კაცო! უხელოდ შეეხტა! ხელები გაკრული ჰქონდა და შეეხტა! — იძახდნენ გაკვირვებული მაყურებელნი.

— რას დაგილიათ პირები?! — დაუტია დარაჯებს გიგომ. — მიშველეთ დავიჭიროთ!

— ნუ გეშინიან, გიგი!.. არსად წავალ, — უთხრა გულდაწყვეტილი კილოთი ყაჩაღმა და საყვედურის თვალით დააცქერდა ფეროსა. — ეჰ! — ამოიოხრა მძიმე ვაჟკაცმა, — მომბეზრდა ეული ცხოვრება, ტყეში წიალი... სიკვდილი მირჩევნია! აბა, გაიძიებით, წამიყვით! დეე აღსრულდეს ის, რაც ბედმა წილად მარგუნა.

ქაბუჯის თვითნული სიტყვა ისარივით ჩაესო ფეროს გულში, ვეღარ გაუძლო იმის თვალებს და ციხე-დარბაზის მიდამოს დაუწყო ყურება. მზე აღარა სჩანდა. ბინდ-ბუნდი სრულ მფლობელად ქცეულიყო. აქა-იქ ვარსკვლავებსაც გამოეყოთ თავი და ციმციმებდნენ. ქალმა შორს, სადღაც პატარა აჩრდილს მოჰკრა თვალი. აჩრდილი ნელ-ნელა გაიზარდა და ბოლოს ცხენოსან კაცად გადაიქცა. ზედ დატანებით ახლო-მახლო სოფლებში ოხერა-გოდება ატყდა. ცხენოსანმა შემოუარა მზირავსა და ვალივანში შემოაქენა ცხენი.

— თავს უშველეთ, გიგი! — დაიყვირა ახლად მოსულმა. — ბატონი შვილი გადაარჩინე!.. მტერი ახლოა!.. ომი წაჟაგეთ!.. მეფეს უკან დასახევი გზა მოუქრეს. ცალ-ცალკე რაზმები მთელ ქვემო ქართლს მოედევნენ და აწიოკებენ. აქეთვინაც მოემართებიან... ძლივს გამოვასწარ... სამხრეთით მდებარე ტყესთან იქნებიან ახლა.

ყველანი გაშტერებით უცქეროდნენ მთხრობელს: არა სჯეროდათ დიდებული მეფის დამარცხება, — ლალატია, ლალატო, გაურბინა ყველას თავში აზრმა.



მალე სოფლებიდან გამოქცეულებმა იწყეს გალავანში დენა; დედაკაცებს ვაი და უში გაუდიოდათ, ბალები უმწეოდ ტიროდნენ, მამაკაცებს ველარა ეწამებინათ-რა.

ფერო ბურჯიდან ჩამოვიდა და გიგისთან მივიდა. უცნაური იყო: ქალს სახეზე არც აღელვება ეტყობოდა, არც დაბნეულობა.

— გიგი, რას აპირებ?—გაისმა არაჩვეულებრივი წკრიალა ხმა.

— ბატონიშვილო, მოემხადეთ! უნდა მთაში გავიქცეთ... მოვასწრობთ.

— ამით რაღა ვუყოთ?—მიუთითა ფერომ გალავანში თავმოყრილ ხალხზე.—არა, ჩვენ აქედან ვერ წავალთ. მოვიდეს დახარჩენი სოფლის ხალხიც, და გალავნის კარი დავკეტოთ.

გალავანში ცხენებმა დაიკიხვნენ. გარედან თანამოძმეთა ფეხის ბაკუნი შემოესმათ. ყველანი გაინაბნენ. ბავშვებიც კი დაჩუმდნენ: აქეთ-იქით დიწყეს ყურება. გალავანში ხუთი ცხენოსანი შემოიქრა.

— ჩემი ამხანაგები!.. ცელქი!—წამოაძახა ხელებ-შებოკილმა მორბენალიძემ და ახლად მოსულ ცხენოსნებს გადაეგება.

— დიად, ცელქი ვარ!—დადასტურა თავის ვინაობა ცელქად წოდებულმა და გიგის მიუბრუნდა.—ეჰ, ბებერო, შეხსენი ჩქარა მორბენალიძეს ბორკილები!.. ჰა, ნულარ აგვიანებ, თორემ ხომ იცი, უზიარებელს გაგისტუმრებ საიქიოსკენ.

ცელქის ბრძანება შესრულებულ იქნა: ზაზა გაანთავისუფლეს. წინააღმდეგობა არავის გაუწევია. თავიდან ფეხამდე იარალში ჩასხმულ ყაჩაღებს ვერავინ გაუბედა რა.

ამხანაგებმა მორბენალიძეც იარალში გამოაწყეს.

— ახლა კი წავიდეთ,—სთქვა ცელქმა და ცხენს მათრა ხი ამოჰკრა.

ცელქს ამხანაგებმაც მიჰბადეს. მხოლოდ მორბენალიძე არ დაძრულა.



— ზაზა, რაღას ახანებ?— შეეკითხნენ წასასვლელად გამზადებულნი.

— არა, მეგობრებო, არ წამოვალ! — გაისმა პასუხად. — თქვენც აქ დარჩით. შემთხვევა გვეძლევა ხალხისთვის ვიბრძოლოთ და ჩვენი ცოდვები გამოვისყიდოთ... უნდა დავრჩეთ.

— ზაზა ბერად აპირობს შესვლას, გაივით! — უთხრა ცელქმა ამხანაგებს.

ყაჩაღებმა ხარხარი ასტეხეს. მორბენალიძეს თვალები აენტო.

— თქვენ იქნება დაგავიწყდათ, ვისთანა გაქვთ საქმე? — გაიგონა ყველამ მუქარით წარმოთქმული სიტყვები.

ხარხარი შესწყდა.

— ჩვენ, — დაიწყო მორბენალიძემ, — ნებისთნე თუ უნებლიეთ ბევრი უზნეო საქმე ჩაგვიდგინია, ბევრი ცოდო გვადევს კისერზე, მაგრამ უმწეო ადამიანისთვის გულში მახვილი არ ჩაგვიცია. პირიქით — ხიფათში ჩაგვიგდია ჩვენი თავი და ხელი გაგვიწვდია, გვიშველია... ახლა ჩვენს წინ სწორედ ასეთი შემთხვევაა... ჩვენს წესს არ უნდა ვუღალატოთ.

— იარალი, ზაზა, იარალი? — შეეკითხა ცელქი. — რვაოდე კაცი რას გავხდებით?

ცელქმა ამ რიცხვში თავის თავი, თავისი ამხანაგები, ზაზა და ზაზასთან მიყენებული დარაჯები იანგარიშა. დანარჩენი სათვალავში არ ჩაავდო: ყველა თითქმის უიარალო იყო.

— გალავნის კარები დაკეტე, გახსენ საქურქლე, გამოიტანე იარალი და დაურიგე ხალხსა, — უბრძანა ფერომ გიგის და მიუტრიალდა ყაჩაღებს. ქალმა ამაყად აუწყა:

— დავით ომანიძის სახლში მტრისათვის ისარი არ გამოიღვია და მოყვრისათვის კიდევ პატივი.

— შეილო, ფერო, რაღა პასუხი გავცე მამა შენს? — დაიწყო წუწუნნი თინანომ, რომელსაც ის იყო გამოჰლვიძებოდა



და დარბაზიდან გამოსულიყო. — გაექცეთ, სანამ დრო გვაქვს!!!
 შე ოჯახ-ქორო, რა გიბრძანა ბატონმა? — მიმართა ახლა გი-
 გის მოხუცმა. — რატომ არ ასრულებ იმის ბრძანებას და ა
 ბავშვის სიტყვებს ყურს რათ უვდებ?

— კარგი, თინანო, კარგი! — უთხრა ალერსიანი კილოთი
 ფერომ. — შენ არ მასწაველიდი, — ომანიძიანი მუდამ ხალხის მო-
 სარჩლენი და ბატონებო იყვენო? მეც ხომ ომანიძის ქალი
 ვარ.

— ჰო, შეილო, მაგრამ შენ თვითონ უმწეო ქალი ხარ!
 რა ძალა გაქვს?

— შირაღვის ზღუდენი და მამიჩემის იარაღები. სანამ ეს
 ყველაფერი შექნება, აქედან ფეხსაც არ მოვიცვლი. გიგი, ჩქა-
 რა, ნულარ აყოვნებ!

გიგი ბრძანების ასრულებას შეუდგა. ზაზამ მტრის დასა-
 ზევრად ამხანაგები დაგზავნა. ხალხის დენა შედგა და გალაფ-
 ნის კარიც დაკეტეს.

VI

ომანიძის სახლში შრავალი საუცხოო საომარი იარაღი
 და ტანსაცმელი აღმოჩნდა. ამ ამბავმა ყველანი გააკვირა და
 გაახარა. შიშის ზარმა გაიარა და იმედიანი ლაპარაკი გაისმა.

— აბა, ახლა მოვიდეს მტერი, თუ ბიქია! — წამოიძახეს
 შემოხიზნულგბმა.

— ვინ მისცა ჩვენს ბატონს, დავითს, ამდენი იარაღი? —
 იკითხა ერთმა.

— ვინა და, მე შენ ვითხრა, ვაჟკაცი არ არის? — უპასუ-
 ხა მეორემ. — მაგას რომ მტერი დაუმარცხებია, იმდენი ოქრო
 მომცეს ღმერთმა, და მეტი არ მინდა!

— ერთი უყურე, ტურავე, რა ჯავშანი! — მიმართა ერთ-
 მა ხანში-შესულმა გვერდით მდგომ ახალგაზდას. — ბიქი იქ-



ნები—ამას ერთი საათით მაინც ატარებ! ამოდენა მიცხოვრია, და ამისთანა არ მინახავს! სულ ოქროს იეზით არის მოქედლი! აი ზედ რაღაც აწერია კიდევ. კითხვა ვინ იცის?

—აბა ერთი, ფერო, მაჩვენე!—უთხრა ტურად წოდებულმა ხანში შესულსა.

—შენმა მზემ, სულ გადააბულბულემა! გამეცა აქედან!—შეუტია ხანში-შესულმა და მიმართა მორბენალიძეს.—აბა, ბატონო ზაზა, თქვენ თუ წაიკითხავთ?

ზაზა მიუახლოვდა ფეროს და ჯავშანი გამოართვა. სინჯვა დაუწყო: თვალში მოუვიდა. წარწერას ჩაუკვირდა და შემდეგი გაარჩია:

სჯობს საცოცხლესა ხაძრახსა
სიკვდილი სახელოვანა.

ჯავშანს შესაფერისი ფარიცა და მუხარადიც ჰქონდა. ორივეზე ოქროს იებსა და იებს შორის ოქროსივე ლომები იყო გამოხატული. მალე ომანიძიანთ იარაღებში ოქროს იებიანი ხმალიც აღმოჩნდა. ყველანი გატაცებით დასცქეროდნენ ძვირფას საკუთრველსა და დიდის მოწიწებით ადებდნენ ზედ ხელსა.

—უთუოდ, ისინი იქნება,—სთქვა ფერომ,—აი ტარიელმა რომ მღვდლების გამოქვაბულში იპოვა.

—უთუოდ, უთუოდ!—გაისმა ყოველ კუთხიდან ხმა.

—ნეტა ვის მოუვა კარგა?!—სთქვა ტურამ და თავის მხრებს გადახედ-გადმოხედა.

—აბა რაღა თქმა უნდა, ლომსა და არა ტურასა,—იხუმრა გიგომ და გარშემო ხარხარი ასტეხეს.

ტურამ ტურის მზგავსი თვალები დააბრიალა, უნდოდა შეეკურთხნა გიგისათვის, მაგრამ ახლოს ფერო დაინახა და გაჩუმდა; განზე გადგა.

ფერო ამ აურზაურის გამო სახლში აღარ შესულა, იღგა ხალხში და ყველაფერს თვალყურს ადევნებდა. ხანდისხან ზაზას გადახედავდა ზოლმე და შეტყვევლი სახე ელრუბლებოდა. ქალის გული ვაჟკაცისაკენ მიიწვედა, მაგრამ სიამაყე თავს აკავებინებდა. ფეროს ვერ მოენელებინა ის, რაც გიგიმ უამბო ზაზაზე. მთელი საღამო ისე გაატარა, რომ ამ საერთო განსაცდელის დროს ვაჟკაცისათვის ხმა არ გაუცია. ზაზა გრძნობდა ქალის სულის ვითარებას. გული უტროდა და ხან-გამოშვებით მძიმედ ოხრავდა. ომანიძიანთ იებიანმა საქურველმა ცოტა არ იყოს დააინტერესა ქაბუკი და გამოარკვია. მეომრის სულმა თავი წამოპყო და ზაზას გაბედული ნაბიჯი გადაადგმევინა.

— ნებას მომცემთ ჩემზე გავსინჯო ეს საქურველი? — შეეკითხა ფეროს მოწიწებით და, ბუნებით მორცხვი, ძალზე გაწითლდა.

— ევ საქურველი ჩემმა წინაპრებმა ქვეყნის დაცვისთვის შეიძინეს, და ახლაც სალაროდან მაგ მიზნით არის ამოტანილი, — უპასუხა ფერომ წყნარად და გიგისაკენ ადგილი გადინაცვლა.

ზაზამ თავი დალუნა: უხერხულობა იგრძნო.

— გიგი, უთხარი, ვისაც კი შეუძლიან, ყველა შეიჭურვოს! — უბრძანა ფერომ თავის მამის ყმას. — დახანება აღარ დასჭირდა: ყველა გაფაციცებით შეუდგა საქმესა. ზოჯან ვარჯიშობაც გაიმართა.

— ხედავ, ტურა მგელს როგორ ებრძვის! — წამოიძახა გიგიმ. — ტყუილი ცდა! ტურასაგან დაძალული მგელი ვის უნახავს?

— განახვებ, გიგი, განახვებ! — გასცა პასუხი ტურამ და მოწინააღმდეგეს ხმალი ხელიდან გააგდებინა.

ყველა სახტად დარჩა. არავინ მოელოდა ტურასაგან ასეთ სიმარჯვეს.



— თუ აგეთი ყოჩაღი იყავი, რატომ ბატონს არ გააწყვე-
ვი? — შეეკითხა გიგი და თან ხუმრობით დაატანა: — მფეფს გა-
საქირიდან იხსნიდი.

— ბატონს უკეთესი ვაგაკაცი გაეაყოლე, — მიუგო ტუ-
რამ. — ჩემი ძმა აფთარი ხუთ ჩემისთანას შეჰკრავს, მაგრამ რას
იზამ, სწანს ღმერთი გაგვრისხებია, რომ ასეთი უბედურობა
თავს დაგვატყდა.

— ჩუმაღ, პატარა ხანი! — გაისმა ბრძანებითი კილო. — ყურ-
თა სმენა აღარ არის.

ყველანი შეკრთნენ: ასე ეგონათ, საიდანმე დავით ბატო-
ნი გაჩნდაო და გაჩუმდნენ. მაგრამ თვალწინ იებიან ჯავშან-
ში გამოწყობილი ზაზა დაინახეს.

— აი, ჩვენ წინამძღოლად ვინ უნდა იყოს! — სთქვა აღტა-
ცებით ტურამ. — მაგასთან სიკვდილი ჩემთვის ღზინი იქნება.

ზაზამ ხელის ჩაქნევით ანიშნა გაჩუმებულიყო.

გალაფანში ხმაურობა შესწყდა და გარედან ცხენების თქა-
რა-თქური შემოესმა. გალაფნის კარებთან ბულბულმა სტვენა
ასტება.

— ჩვენები მოვიდნენ, — სთქვა ზაზამ.

კარები გააღეს და გალაფანში მზვერავები შემოიქრნენ.

— ზაზა, ჩვენ მოგიყვანეთ, თქვენ კიდეე გამოჰკითხეთ! —
სთქვა ცელქმა. — რაღასაც ბურტყუნებს, ვერაფერი გავი-
გეთ-რა.

ზაზას წინ ირიბა-თვალეზიანი არსება წამოუყენეს.

— სად წააწყდით? — ჰკითხა ზაზამ მზვერავებს.

— ტბის სამხრეთით მდებარე ველზე, აი ტყის წინ სუფ-
რასავით რომ გადაშლილა, იქ დაბანაკებულა მტერი. ეს ტბის
დასავლეთ ნაპირს ამოჰყოლოდა, დავიქირეთ და წამოვიყვა-
ნეთ. მტერი ბევრი არ უნდა იყოს, მაგრამ ჩვენზე კი ხუთ-
ჯერ მეტი იქნება.

— ეინ იცის თათრული? — იკითხა ზაზამ და მეომრებს თვალი გადაავლო.

— მე! — სთქვა ტურამ და წინ წამოდგა.

— დღეს ტურა ძალიან ამბავშია, — სთქვა გიგიმ. — თათრულიც რომ სკოდნია!

— რატომაც არ ეცოდინება, — სთქვა მგელმა, — თავის დღენი სულ თრევაში გაუტარებია.

— ეჰ, შეილო, ძალიან კი დაგწყდა გული იი, რომ ხმალი დაგადებინა!

— სუთ, კარგით! — დაუტრეს გიგისა და მგელს აქეთ-იქიდან.

ტურა გამოკითხვას შეუდგა. თათარმა, რაკი ნაცნობი ენა გაიგონა, ირიბი თვალეზი აუციმციმდნენ.

— აბა მითხარი, ე რა ჯარი დგას ტბასთან? — ჰკითხა ტურამ. — რამდენია? ჰა, მითხარი!

ტყვე ჯერ ჯიუტობდა, მაგრამ როცა ცხვირ წინ ხანჯალი დაინახა, ყველაფერი გადმოფქვა.

— ეგრე! — უთხრა კმაყოფილებით ტურამ. — თორემ ხომ იცი, სხვანაირი ლაპარაკიც ვიცი.

ტყვის ნაამბობიდან გამოიკვია, რომ ტბასთან დაბანაკებული რაზმი სამასი კაცისაგან შესდგებოდა. მთავარ ჯარს ჯერ ბრძოლა არ დაემთავრებინა და თავისუფლად ფრთა ვერ გაეშალა. მხოლოდ სულსწრაფთა პატარ-პატარა რაზმები მოსდებოდნენ სოფლებს და არბევდნენ.

ზაზამ გადაავლო თვალი მზირავში მოყრილ მეომრებს და სახეზე რაღაცა მოსაზრების აზრდილმა გადაურბინა.

— აბა ჰკითხე, — უთხრა ტურას ზაზამ, — ეს რაზმი ახლავე ხომ არ აპირობს აქეთ წამოსვლას?

ტყვის სიტყვით, რაზმი დასასვენებლად დაბანაკებულიყო და ადგილიდან დილამდე ფეხს არ მოიცილიდა. ზაზას ამის გაფონებაზე სახე გაუბრწყინდა.

— მაშ ღმერთს ჩვენზე მოწყალე თვალთ გადმოუხედ-
 ნია!— წამოიძახა გახარებულმა და მეომრებს მიმართა, — აბა,
 ვინ წამომყვება?.. ვინ წამოვა?.. მტერს ძღვენი მივართვით!

— მე!— წამოიძახა ტურამ და ზაზას გვერდში ამოუდგა.

ტურას ცელქი მიჰყვა, ცელქს კიდევ დანარჩენები. სა-
 მოცამდე მსურველი აღმოჩნდა, მაგრამ ზაზამ მართო ტურა,
 ცელქი და ოცდა ათი კიდევ სხვა გაიყოლა თან. პატარა რაზმში
 დასაველეთისკენ დაუხვია და უღრან ტყეში გადაერია.

VI

შუალამე იქნებოდა. ვარსკვლავებს ქახქახი გაჰქონდათ. ტბის ახლოს დაბანაკებულ მტრის რაზმს ტკბილად ეძინა. უპატრონოდ მიტოვებულ ქვეყანაში საფრთხეს არაფერს მოე-
 ლოდა და თავს უშიშრად გრძნობდა. ორი დარაჯი დიეყე-
 ნებინათ და იმათაც ძილქეში დასწოლოდათ. მხოლოდ მტრის
 ცხენების ჯოგის ფრუტუნნი და ფეხის ბაგუნნი-ლა ისმოდა და
 ტყის გამონაძახსა და შრიალს უერთდებოდა.

— მოიტანეთ?.. კარგა ბლომად წამოვიღიათ!— წამოი-
 ჩურჩულა მტრის ბანაკის ახლოს მდებარე ტყეში დამალულმა
 ზაზამ.

— ეჰ, ბატონო ზაზა, სხვა რამე დაგვავალეთ, თორემ
 ეს ადვილი შესასრულებელია, — გაისმა ჩურჩულითვე პასუხი.

— ტურავ, ნუ ჩქარობ! მოესწრობი! — უთხრა მოუთმე-
 ნარ მეომარს მორბენალიძემ და იქვე მდგომ ცელქს მიმარ-

თა. — აბა, ერთი წადი, წაიყვანე ათიოდე კაცი და ერთი ასიოდე საქიგოვე ხე მოსკერით! შენ კი, ტურავ, ჩქარა ნაბდები დახსენი და გაშალე. თითოს თითო ქული დაადე, რომ მერე წვალება აღარ მოგვინდეს.

— ბატონო, კვარებს დავამზადებ, ნაბდები კიდევ სხვამ გაშალოს... კვარებს კარგა ვაკეთებ,— მიუგო ტურამ.

— მაშ, აბა ერთი მგელს დამიძახე!

— ე მანდ მგელი, აი, დიდ ხეს რომ ამოსტუზვია.

— ვართლა, ჩვენ ბუნაგში, რამდენიმე ტყავიც იყო მგლისა, არ წამოიღეთ?— იკითხა ზაზამ:— გამოგვადგებოდა.

— აბა, რას დასტოვებდა ჩვენი მგელი?— იხუმრა ტურამ.— დინახა თუ არა თავის მოძმეების ტყავები, სიხარულით ცას დაეწია.

— ჰმუუ, — წამოიზმუკუნა მგელმა, — ტურავ, დამეტსენი!

— მგელო, მოდი ნაბდები დახსენი?— უბრძანა ზაზამ.

მგელი ნაჩვენებ საქმეს შეუდგა, ტურა კიდევ ხმელი ფიქვის მოსანახად წავიდა.

არ გასულა სამი საათი, რომ ტყისა და ქალის ნაპირებზე, მტრის ბანაკის სამივე მხრივ, სამი რიგი სარზე ჩამოკმული ნაბდებისა აღიმართა. თვითვეულ სარს თავზე ბანჯგვლიანი ქული ეხურა. ზაზამ თავისი რაზმი სამად გაანაწილა. ერთი ნაწილი ტურას წინამძღოლობით ქალის ნაპირებთან დადგა, მეორე, ცელქის წინამძღოლობით, სამხრეთით მდებარე ტყის ნაპირებთან, მესამე, რომელსაც ზაზა წინამძღოლობდა, დასავლეთით მდებარე ტყის ნაპირებთან. ნაბად-წამოსხმული მეომრები ნაბდიან სარებს ამოუდგნენ გვერდით. ყველას მოუთმენლად გული უცემდა: ბრძანებას ელოდნენ.

— ახლა კი დროა, — სთქვა ზაზამ, — ცაზე მთიები ამოს-
 უვრდა, საცაა გათენდება. აბა, ნიშანი მიეცი! — უბრძანა ერთ
 თავის მეომარს და შეილდს შინჯვა დაუწყყო.

დასავლეთით მდებარე ტყის ნაპირიდან მიდამოს ბულ-
 ბულის ჰანგები მოედო.

— უოჩალ, კარგა უსტვენ! — შეაქო მორბენალიძემ მეო-
 მარი.

სტვენა გათავდა, ტბის ლელიანი აშრიალდა და ხუთი
 მგელი გამოძუნძულდა. მტრის ცხენების ჯოგი დაფრთხა და
 პირი თავის პატრონებისაკენ იბრუნა. გადარეული ცხენები
 ბანაკში შეიქრნენ და ტკბილად მძინარე ადამიანებს კარვები
 თავზე დააქციეს. უცბად სამი მხრიდან მტრის ბანაკისაკენ
 ანთებული კვარები წამოვიდა და წაქცეულ კარვებს ცეცხ-
 ლი მოედო. გამოღვიძებულმა მტერმა ქრობა დაუწყყო, მაგ-
 რამ ვერას გახდა. ცეცხლი გაძლიერდა და არემარე მთლად
 გაანათა. მტერმა საითაც კი გაიხედა, ყველგან ნაბდიანებს
 მოჰკრა თვალი: ეგონა თავს დიდი რაზმი დამეცაო, და მთლად
 დაიბნა. ერთმანეთს ველარ სცნობდნენ. გონება-დაკარგუ-
 ლებს სამი მხრიდან სამმა პატარა რაზმმა ქლელტა აუტეხა. ლე-
 ლიანიდან გამოსული ხუთი მგელი შემორებად გადიქცა. ამ
 ამბავმა ხომ სულ ენა ჩაუგდო პირში მტერსა. მგლის ტყა-
 ვებში გახვეული ადამიანები ჯოჯოხეთიდან გამოსულებად
 იცნეს...

VIII

მზირავში თინანოს გარდა არავის სძინებია. ყველა მოუ-
 თმენლად მოელოდა ვალაენიდან გასული პატარა რაზ-
 მის დაბრუნებას. როცა მტრის ბანაკს ცეცხლი მოეკიდა,

ომანიძის ციხე-დარბაზამდისაც მოახწია შეუქმა. ყველანი ბურჯებზე აცვივდნენ და თვალწინ განათებული ტბა წარმოუდგათ.

— ყოჩაღ, ბიჭო, მორბენალიძევე! — წამოიძახა ფერომ. — ეს ნამდვილად მტრის ბანაკი იწვის, თორემ მანდეთ სხვას რას წაეკიდებოდა ცეცხლი.

ფერო იქვე იღვა, და ზაზას ქება რომ გაიგონა — იამა.

— ნაცადი ბიჭია და, ჩემო ფერო! — გამოელაპარაკა გიგი ზაზას მებოტბეს. — შენ კარგად გეხსომება, ზაზამ მამას სამაგიერო რითი გადაუხადა. ისეთი საზაფხულო სახლი გადაუწვა, რომ ერთ რამედ ღირდა!

ამ სიტყვებმა ფეროს გულზე უკბინეს და დაალონეს. ქალს ისიც გაახსენდა, გიგიმ წინად რომ უამბო ზაზაზე. სახეზე ზიზლი აღებეჭდა.

ფერო კი მიუტრიალდა გიგის და ცოტა არ იყოს წყრომით უთხრა:

— ეჰ! ნეტავი შენა, კაცო! აიჩემებ ხოლმე ერთ რამეს და აღარ გაათავებ! მგონი მეორმოცეჯერ მეუბნები ზაზაზე ცუდსა. ხანში შესული კაცი ხარ, როდი უნდა აჰყვე ჯორებსა. ჯორები დედაკაცების საქმეა.

— მაშ ყველაფერი, რასაც ზაზაზე ამბობენ, ჯორია, ჰა? — შეეკითხა დაცინვით გიგი.

— ჯორია მაშა!.. იქნება შენ მამუკას ცოლი ანგელოზი გგონია?.. ან გინდაც რომ მართალი იყოს ყველაფერი, ემაგ კაცს ჩვენ მაინც უნდა ვუმაღლიდეთ. ეგ რომ არა ყოფილიყო, ვინ იცის შენი ბატონის ლამაზ მზირავს დღეს რა დაემართებოდა!

— რა დაემართებოდა? ხედავ ამ კედლებსა?

— მაგაზე სქელი კედლები შინახავს ძირს განრთხმული. ან არა და აღარ ვახსოვს, შენი ბატონის ქალს რო ეხვეწებოდი მთებში გავიქცეთო?

ფერო ამ ლაპარაკს გულმოდგინედ ყურს უგდებდა. ქალს იამა, როცა ეფრომ გიგის ნალაპარაკევეს ზაზას თაობაზე კორი დაუძახა, მაგრამ ის კი ძალიან ეწყინა, როცა მზირავეს კედლები დაუწუნეს.

— მამა აქებდა ჩვენ ციხე-სიმაგრეს!—წამოიძახა მედიდურად ფერომ.—მამა თავის დღეში ტყუილს არ იტყვის!

— ბატონი შეილო, კაცი შეიძლება ტყუილს არ ამბობდეს, მაგრამ შეიძლება სცდებოდეს, —უბასუხა ეფრომ.—ან გინდ ციხეს ძალიან მაგარი კედლები ჰქონდეს, როცა მე და გიგისთანა დამცველები ვეყოლებით, ვეკობ, რომ მტერს გაუმაგრდეს.

— კაცი შეიძლება ტყუილს არ ამბობდეს, მაგრამ შეიძლება სცდებოდესო, —გაიმეორა ფერომ ეფროს სიტყვები და ფიქრს მიეცა.—იქნება ზაზაზედაც სცდებიან?—სთქვა ქალმა გულში.—იქნება მამაც კორს უჯერებდა?.. აგე რა უთხრა ეფრომ გიგის: იქნება შენ მამუკას ცოლი ანგელოზი გგონიაო. ვინ იცის, იქნება ქალმა ცილი დასწამა? დედინაცვალი არ არის!.. ვინ იცის, ვინ იცის!—გაიმეორა რამდენჯერმე ფერომ და გარემოს თვალი გადაავლო.

გათენებულყო. ბურჯებზე მღგომნი ისევ ტბის მხარეს გაიქვირებოდნენ.

— ფერო, შეილო, გეყოფა მაგდენი უძილობა!—მოისმა დარბაზის აივნინდან ახლად გამოღვიძებულ თინანოს ხმა.—მოდი მოისვენე, შეილო!

— ბატონი შეილო, —უთხრა ახლა ეფრომაც, —წაბრძანდით. ჯერ-ჯერობით ხიფათი თავიდან აგვეცილდა. იმედია

შემდეგ შიაც კეთილად დაბოლოვდეს ჩვენი საქმე. იქნებ ღვთის წყალობით შეფეც ისე გადარჩეს, როგორც ჩვენ, ზაზას წყალობითა.

ფერო ჩამოვიდა ბურჯიდან და თინანოსაკენ გასწია. თვალწინ გამარჯვების შარაფანდელით შემოსილი ზაზა ეხატებოდა.

ინ-ბანი

(შემდეგი იქნება)





* * *

(კულდენი ტანიკო ზუბიიშვილს)



ვაფილები მოციქულსა
და ჩემ გულს სიხარულსა,
ვინც პირველად დამაწაფა
ნორჩ ბალები სიყვარულსა, —

დღეს აქა მყავს ფრთა-გაშლილი,
ყვავილთ შუა სძინავს, ფშვინავს;
გული ჩემი ტკბილად ტოკავს,
სული ჩემი ნათლად ბრწყინავს.

რაკი ვარდი გაშეშალა
და შტო მზემდე აიტანა,
ახლა ველარ დამაბერებს
ვერც კაცი და ვერც სატანა.

ღმერთო, ღმერთო, ეს ღვთის შვილი
მე გავზარდე, ჩემი არი:
არ გეგონოთ მოპარული,
არ გეგონოთ ნაჩუქარი.


ერთ მშვენიერ დღის ნათელში
ობოლ იად მომეგლინა,
მშობლის წილად მე ჩამთვალა
და ჩემ გულში ჰპოვა ბინა.

თუ ოდესმე ჰყვარებია
 შეიღს მამა და მამას—შვილი,
 იმ სიყვარულს ვაისკეცებთ
 მე და ჩემი გამოზრდილი.

და სანამდის ცოცხლები ვართ,
 მზეს ვუყურებთ, თუ მზის ჩრდილებს,
 ვეცდებით, რომ ეს გვირგვინი
 მთლად გადავცეთ შვილით შვილებს.

შიო მღვიმელი





ისევ ფლავარი

(შემოდგომის სურათები)



აქართველოს ხევებში დაჰქარის ღ გულსაკლავად ღმუის ქარბუქი.

ჩემი ქოხი სდგას მთის ფერდობზე და მოწყენით გადაჰყურებს ოდესღაც გიჟმა მდინარის კალაპოტს. მახსოვს - მისი ღურჯი ტალღები მოზანავე ბიჭ-ბუქებს ნაზად გვიღერებდა; ახლარიყე-ლა მოსჩანს ამის ალა-

გას და ხავს-მოკიდებული ქვეები. მთაზე იღარ არის მწარე მწვანე ბალახ. მთელი არემარე გადამხმარია. ყვავილები მავივრად, რომელნიც მზიარული სალამით მომეგვებებოდნენ ხოლმე, იმათკენ საღერსოდ მიმავალს, ახლა გამხმარ ეკლებს-ლა ამოუყვით თავეები. სადღაა ახლა ის ხავერდის ფერად-ფერადი ხალიჩა!

ოჰ, რა გულ-საკლავად ზმუის ქარი ფანჯრის ქვეშ! რა დაეინებით უვლის გარშემო ქოხს და ხან სარკმელს დამიკა-



კუნებს, ხან სახურავს ებრძვის, რომ მოხადოს და თავისუფლად შემოიკრას შიგ.

წელს გაზაფხული ძლიერ მოკლე იყო. ბევრ სიხარულს და სიტკბოებას გვიქადა იგი. ცხელი და მშრალი პაპანაქება ზაფხულიც მალე გაჰქრა; დადგა შემოდგომა შიშველი, უნაყოფო. იგი სიკვდილს და სილატაკეს უქადის ხალხს და მხოლოდ ქარი დაჰქრის თავისუფლად კლდე-ღრეებში. ხეხილი თრთის და ცახცახებს. ადამიანს სისხლი ეყინება. სიცივე და კრძალვა-შიში ძელამდის ატანს. მგლის ხროვაც ქარს აჰყოლია და თავისუფლად გამოდის გარედ ღმუილით. ადამიანი კი პარვით დადის და ცდილობს თავის ქოხში მოიკალათოს.

წყალდება და ჩანავდება უკანასკნელი ლუკმა, ტანჯვით და ვაებით მონავარი.

აგერ ნაბდის ძველაში გახვეული მეურმე ზანტად მიაკრიალებს გამხმარ სიმინდის ფურჩით დაზურგულ ურემს. ფუჩიჩის გამხმარი ფოთოლი, ულად შრიალებს. მეურმე თავის მწუხარე სიმღერას ღიღინებს. სევდიან თვალს ავლებს გაშიშვლებულ მთებს, ოდესღაც დაბურულ ტყით და მწვანე ყანებით მორთულს, ხედავს თვალწინ დაობლებულ სოფელს, გადამხმარ, გაშიშვლებულ ხეებს, და თავს აქნევს.

„გამარჯვება შენი, ძმობილო!“ მინდა მივესალმო, წავარამ მეურმე ისე ბოროტად, ისეთი სიძულვილით მიცქერის, რომ ენა სასას მეკრობა, გული მუშტოვით მეკუმშება და ღრმად იშალება მკერდ ქვეშ.

„რისთვის გძულვარ ეგრე, ძმობილო? იმისთვის თუ, რომ მეც შენსავით ადამიანი ვარ, იმისთვის თუ, რომ მეც შენსავით მიყვარს სიცოცხლე, მიყვარს ამწვანებული ტყე, მისი შრიალი, მიყვარს ოქროს ტალღები მობიბინე ყანისა!

ნუ მიწყრები, მომეცი ნება მიყვარდე ისე, როგორც მიყვარდნენ მზიარულ ყმაწვილობაში წვერ-ულვაშიანი ძიები, როდესაც მე მუხლებზე ვუჯექი ხოლმე. კალოს მსხალს ვკებჭდი. ცელქად ფეხებს ვიქნევდით—ზღაპრებს ვლამობდით მათ და ლექსებს ვტიტინებდით, ერთად-ერთი წერა-კითხვის მცოდნე მთელ სოფელში.

ოჰ, რა გულ-საკლავად ზმუის ეს ტიალი ქარ ბუქი!

მთიდან ფერდობზე მოდის ქალიშვილი. ფეხი უხსლტება ხმელ ბალახზე. ფერადი კაბის კალთები ქარზე უფრიალებენ. ფერიასავით მოსცურავს ქალი მთაზე. მე გული მიცემს სიხარულით. ასე მგონია, ფერია ჩემთან მოდის, რომ რაიმე სასიამოვნო ამბით გამახაროს. შევეცქერი შორიდან, მინდა გავარჩიო ფერიას სახე. ვხედავ შავ თვალებს, ბედნიერების წყურვილით აღსავსეს. ტუჩებზე უმიზეზოდ ბედნიერების ღიმილი უთრთის. თვით სიხარული შურით ივსება და მირბის მისკენ. მკერდი აღის, ჩადის და ხარბად ყლაპავს ჰაერს, თითქოს არ ჰყოფნის ჰაერი, მეტი და მეტი ყვავილის სურნელების ჩაყლაპვა სურს.

მაგრამ... მომიახლოვდა ქალწული, და რას ვხედავ? მუშტივით გამზდარი, ოთხ-კუთხი სახე, გახუნებული თვალები. ბედნიერების და სიხარულის უიშედო მოლოდინით გაციებული ფერფლივით მიმქრალი. ჩავარდნილი ფიცარივით გამზმარი მკერდი, გაფითრებული, დანაოჭებული, გაციებული ტუჩები.

აი, დაიხარა ქალი და ეძებს რაღაც ბალახ-ბულახს, რომ დამშვეულ ბავშვებს ვახშამი მოემზადოს. ქარი მუქა-მუქა აყრის პირში მტვერს და ღმუის, ღმუის გულ-საკლავად.

ბინდი ნელ-ნელა ჩამოაწვა ქვეყანას. ჩუ! რა ხმაა? მგლის ყმუილია, თუ ქარმა უმატა ღმუილს?

მაგრა მივკედვ სარკმელი. ქოხში თან-და-თან წმელ-
 დება.

ეს ჩემი ქოხი ისევ ისეთია, როგორც ჩემ პატარა ბი-
 კობაში მახსოვს. აი ის ტახტი, გახუნებული ფარდავით და
 გაცვეთილი მუთაქით, რომელზედაც წავევარდებოდი ხოლმე
 ლამპარის მბეუტავ შუქზე. გამდელი გვერდს მიჯდა და ზღაპ-
 რებს მიამბობდა. თან თვლენა ეპარებოდა. ხმას ხან აამალ-
 ლებდა, ხან ჩაეხლიჩებოდა ძილ-მორეულს. მე თვალებით ლამ-
 პრის შუქს მიეჩერებოდი, მაგრამ ზღაპრისა კი ერთი სიტყვაც
 არ გამომეპარებოდა. თვალები ხან ამენთებოდა შიშით, ან
 მღვლეღარებით, ხან უღარდელად მიცინოდა.

ამ დროს ჩემი დიდება წალოსთან ფუსფუსებდა ჩვეუ-
 ლებრივი მზრუნველობით. ლოგინს ამზადებდა. როცა კარ-
 გად ძილი მომერეოდა და თვალების ფშვენეტას დავიწყებდი,
 დიდებაჩემი გულს მიმიკრავდა ტ წამიყვანდა ლოგინთან. დედა-
 ჩემს ძუძუთა ბავშვი ჰყავდა და იმის მოვლას უნდებოდა.

როგორ მიყვარდა დიდებას მკერდში ჩახუტება. რო-
 გორ მიყვარდა იმისი მზრუნველობით წინ წახრილი კისერი,
 იმისი სიყვარულიანი თრთოლა პატარებთან და იმისი მკვახე,
 პირდაპირი ლაპარაკი დიდებთან.

მაგონდება ყველა ეს და მინდა საყვედურით მივმართო
 ორივეს, დიდებასაც და გამდელსაც:

რად შემაყვარეთ ასე სიცოცხლე, ჩემო ძვირფასნო! რად
 შემაყვარეთ ასე ზღაპარი? სასწაული ვიწამე და მოველოდი
 დღითი დღე და... სად არის სასწაულა? მე სიყვარული ვიწამე
 და სიძულვილის მეტს ვერასა ვხედავ; მეგობრობა ვიწამე, და
 გარშემო სულ მტრობაა.

სად არის, სად, თქვენი ზღაპარი, სად არის სიყვარული
 და მეგობრობა, ან როდისღა იქნება, თუ ახლაც, გაქირვების
 დროსაც არსაღა სჩანს?



ამ ფიქრში — არ ვიცი მიმდინია, თუ ბურანში მომეჩვენა, რომ მოვიდნენ ორივენი, დიდდაც და გამდელიც. კედელზე რაღაც სიტყვები დამიწერეს.

ჩავაკვირდი ამ სიტყვებს, მინდა წავიკითხო, მაგრამ ვერ ვკითხულობ.

ჩავაკვირდი კიდევ, ჩავთვალე ასოები, მაგრამ ამერია.

ჩავაკვირდი მესამედ და უცებ ბოლომდის წავიკითხე, დაწერილიც მაშინვე წაიშალა.

ახლა შენც იცი, თუ როგორია ცხოვრება. ახლა ჩვენი ზღაპრები პატარეებს უამბე ხოლმე. ბავშობაში გაახარე, ბავშობა გაუტყბე“.

—

გამოვერკვიე... კაი ღამე გადასულიყო. ქარს ყური მივეუგდე. ხმაურობა აღარ იყო. მხოლოდ შორიდან ტყეში ხეების ღაწა-ღუწი ისმოდა.

მომავონდა ხევში, წყლის პირას, მყუდროში, ჩემი პატარა ბაღია. ახლა იქ ჯოხებივით შიშველა ხეხილებია. მაგრამ... დადგება გაზაფხული. ამ გარდუვალ კანონს ვერ ააცდენს ბუნებას ვერც ქარბუქი და ვერც ადამიანის ბოროტება. დადგება გაზაფხული და უშნო, შიშველი ხეები ყვავილს გამოიტანენ. საუცხოო სახიანი, თეთრი ალუბლის ყვავილი. პირისფერი ატმის ყვავილი, ხუჭუქა თეთრი ყვავილები მსხლისა. ყველა ეს იქნება, იქნება აუცილებლად. და ესეც სასწაული! ესეც თქვენი ზღაპარი სინამდვილეში!

იქნება მე სუსხიან ზამთარს ვერც კი გადაურჩე, იქნება ქარმა ჩემი ქობიკ მოგლიჯოს და ჩემიანად სადმე უფსკრულში გადაისროლოს.

ყვავილები კი იქნება აუცილებლივ. და მათი მშვენიერებით დასტკბებიან ნორჩი ბაღლები.

მაშ ხვალ სისხამ დილით ჩავალ ჩემ ბაღიაში და გავათავებ ჩემ საბარავს. ხეებს შემოვუბარავ გარშემო. კვლებს გავა-

კეთებ. ბოსტნეულსაც დაეთეს—და—ყვავილებსაც. წყალსაც შორიდან მოგზიდავ და დაეუსხამ. დეე გაიხაროს, ვინც ამ სუსხიან ზამთარს გადაურჩება.

ეს ვიფიქრე, გაველი აივანზე, ჩამოვიღე თოხი და ბარი, მოვაცალე ზედ ღიღინის შემხმარი ტალახი და კუთხეში მივაყუდე, რომ ზვალისთვის მზად მქონოდა.

გიგო ნათაძე.





საქართველოს
საქმიანობის



მომეცითი ფესი... ჩემი ფესი... ის მრთელი ფესი!..

(ძღუნაუ გაბო ლომთათიძეს)

„ჯოჯოხეთში უვირილია,
გაგონება არ არისო“.
ხელნაწი.



აავედმყოფოს ფანჯარასთან იყო მიმდგარი, შორს
გასცქეროდა მეომარი, — ბრძოლის ველისკენ.
იღვა მხოლოდ-ლა მარჯვენა ფეხზე და ილღიე-
ბით დაყრდნობოდა ორ ყაფარჯენს...

გინახავთ შთის არწივი, მონადირის ეზოში მყოფი, რო-
მელსაც ფრთები ჰქონდა დათხრილი იმ განზრახვით, რომ არ

გაფრენილიყო?.. არწივი კი თავის დიდრონ, ცეცხლის შკვესელ თვალებს აბრიალებდა?.. ცის სივრცეში იტკირებოდა, ფიქრით მთის წვერებს თავს ევლებოდა?.. როცა გაფრენას მოისურვებდა, უსარგებლოდ მბრებს შეაქანებდა?.. გულზე სკდებოდა, სული უწუხდა, ვერ სცილდებოდა მიწას—მოსაწყენს?!..

ხომ კი გინახავთ ამ ყოფაში უფროთ არწივი?..

და ის ქაბუციკ, ცალ-ფეხ წაქრილი, ფანჯრებიდან შორს იტკირებოდა... გრძნობით ამბობდა: „მომეცი თუ ფეხი!.. ჩემი ფეხი!.. ის მრთელი ფეხი!.. გავალ ბრძოლის ველს და მტერს შევსძახებ, რომ დაეტეოს საკუთარ ტყაეში... თანამებრძოლებს, ჩემს შეგობრებს ვეტყვი—შეჩერდნენ, გაბრუნდნენ სახლში... და დავითანხმებ... და დავითანხმებ... ერთმანეთს ძმურად გადავაკოცნიებ... და სამუდამოდ, და სამუდამოდ მოვსპობ სისხლის ღერას კაცით კაცისას... და შევებარუნებ ორივე მხარეს და ომის ღმერთსა მოვაკვლევინებ... იმთ დროშაზე დავაწერინებ: **ძმობას, ერთობას და სიუვარულსა...**

„მომეცი თუ ფეხი, ჩემი ფეხი, ის მრთელი ფეხი!.. წავალ, ცოლ-შვილს ვესტუმრები და გავახარებ... მოხუც დედ-მამას ჩავეხვევი, მკერდში ვაკოცებ... და უკანასკნელ დღეებს დაუტკობ ჩემის ხილვითა...

მომეცი თუ ფეხი... ჩემი ფეხი, ის მრთელი ფეხი!.. მისთვის მომეცი, რომ წავიდე, ნაცნობ ალაგებს ვესტუმრო **ერთხელ და უკანასკნელად...** ნაცნობ ტყეს და მთებს, კლდეს თუ ხეს, ბალახს, ქვას და მდინარეს ჩავეხვიო, გრძნობით ვაკოცო... წავალ, და ერთხელ, მხოლოდ ერთხელ... ხომ გესმით—ერთხელ გავიმეორებ ყველა იმასა, სად რა მიქნია: დაღბინებას, თუ გაკირვებას გავიმეორებ... და არ დავსტოვებ მე არაფერს, არც მცირე რასმე, რაც სიპრთელის დროს შემხებია, ან შევხებია...

ახლა კი რა ვქნა,—სულ პირველად სიდან დავიწყო?.. მაგრამ, ეჰ... დიახ... მომეცი თუ ის მრთელი ფეხი—ჩემი


ფეხი და გამამრთელეთ!.. უკანასკნელად შემოვიარო ის ადგილები, სადაც მივლია, ნაცნობია ჩემი გულისა, რომ განვიცადო მე სიამე დიდი, უსაზღვრო... ეს მხოლოდ ერთხელ... და მერმე კი... გაძლევთ პირობას—მოგცეთ თავი წასაჭრელად, თავი, რომელმაც შეიძლება ას წელს იცოცხლოს... ვიცოცხლო მხოლოდ ერთ ალაგას, დანასახიჩრებულმა, ვიცოცხლო ისე, ვით არწიემა ფრთებ-მოკვეცილმა...

... დიახ... მომეცით, მომეცით მე ბედნიერება... არა ერთი წლით, არამედ მხოლოდ ერთის დღითა... მხოლოდ ერთის დღით... გთხოვთ... გვევდრებით — დამიბრუნეთ მე ჯანმრთელობა: მომეცით ფეხი!.. ჩემი ფეხი, ის მრთელი ფეხი!..

და დაღალული ფეხზე დგომითა უცებ მობრუნდა ცალფეხა იგი, გულზე მოეშვა. მოუარა ძველმა სისალემ... ჩქარა გავლა მოინდომა მან... და გაქანებულს ყავარჯნები ძირს დაუცვივდა, და იატაკზე მაგრად პირქვე დაემხო, ჯერ არ მორჩენილ კრილობიდან დაენტხა სისხლი და მარმარილოს იატაკი წითლად შეღება...

ცალფეხა გ. ლომთათიძე





ვის ერგებოდა ოქროს—

ტარიანი მათრახი

(ხალხური)



ყო და არა იყო-რა, —ღეთის უკეთესი რა იქნებოდა, —იყო ორი მგზავრი. მიდიოდნენ გზას. ერთი იჯდა ცხენზე, მეორე—ვირზე. ცოტა იარეს, თუ ბევრი იარეს, შორს დაინახეს რაღაც ბრჭყვიალა საგანი და გაეშურნენ იმისკენ. ორივე ერთ და იმავე დროს დასწვდა ასაღებად. ეს ბრჭყვიალა საგანი გამოდგა ოქროს-ტარიანი მათრახი. ერთი ამბობდა, —ჩემია ოქროს ტარიანი მათრახი, რადგანაც პირველი მე დავეწვდიო; —არა, მე შეკუთვნისო, —გაიძახოდა მეორე. —ილაპარაკეს, იჩხუბეს და ბოლოს ასე გადასწყვიტეს: შესულიყვნენ მახლობელ სოფელში, შეეყარათ ხალხი და ეამბნათ მათთვის თავიანთი თავგადასავალი; რომლის თავგადასავალსაც უფრო მოიწონებდა ხალხი, ოქროს-ტარიანი მათრახიც იმას უნდა დარჩენოდა.

მივიდნენ მახლობელ სოფელში, დაუძახეს ხალხს, აუხსნეს, რაშია ცოცხალი, და სთხოვეს გასამართლება. პირველმა დაიწყო ცხენზე მჯდომმა მხედარმა:

—ჩვენი სოფელი გაღარიბებული იყო, და იმ შორის ყველაზე უღარიბესი მე ვიყავი. არც სახლი მქონდა, არც კარი, არც საქმელი და არც სასმელი. სამუშაო არა იყო—რა სოფელში. ერთ დღეს დავკარი ფეხი და ჩამოვედი ქალაქს იმ იმედით, რომ რაიმე სამუშაო მეშოვნა; მაგრამ მოვსტყუვდი. ძებნაში ღამდებოდა დღეები და მშიერ-მწყურვალე ვათენებდი ღამეებს ცის ქვეშ. ერთ დღეს დაღალულ-დაქანცული ვიდექი საყასბოს წინ და შევეკქეროდი ბედნიერ ხალხს. სხვათა შორის იმ საყასბოში შევიდა მდიდრულად ჩაცმული, მალალ-მალალი, შეფვრემანი კაცი; იყიდა ხორცი და გამოვიდა გარედ. მე ვსიხოვე—ხორცს წაგიღებ-მეთქი. შეფვრემანმა კაცმა გადმომცა ხორცი და გავყევი უკან.

დიღხანს ვიარეთ; გავედით ქალაქ გარედ; ვიარეთ და ტრიალ მინდორზე მივადექით ერთ დიდ სასახლეს. „ეს ჩემი სახლიაო,—სთქვა იმან, გამომართვა ხორცი და მაჩუქა ფული. მეც მადლობა გადაუხადე და გამოეტრიალდი წამოსასვლელად. „მოიცაო“. მიბრძანა იმან. „შემოდი ჩემთან, დაისვენე, ცოტა დანაყრდი და მერე მშვიდობით მგზავრობა მოგცეთ ღმერთმაო“.

შევედით. გაშალა სუფრა. ჩვენც მოუსხედით. რა გინდა, სულო და გულო, ზედ არ ეწყო. „მიირთვიაო“, მეპატივებოდა მასპინძელი და მეც, მოგეცათ ღვთის წყალობა, ამდენი ხნის დამშეულმა, ვიყარე გულის ჯავრი.

ამასობაში კიდევ შებინდდა, და დავაპირე წასვლა. მაგრამ მასპინძელმა არ გამიშვა. „გვიან არის, თანაც ცივა: აქ გაათიე ღამე, და ხვალ დილაზე ადრე წადიო“. მადლობა გადაუხადე და დავრჩი.

მასპინძელი გამიძღვა წინ და შემომატარა თავისი სადგომი. მეცამეტე ოთახში რომ შევედით, მისმა სიმდიდრემ თვალი მომქრა. ოთახი სავსე იყო თვალ-მარგალიტით. ვახშამზე ჩემმა უხემა მასპინძელმა თავისი ქალიშვილი და ქვრივი

რძალი გამაცნო და მითხრა: „შენ ისე მომეწონე, რომ უნდა დაგისიძო. აირჩიე ამ ორში ერთ-ერთი და ეს სიმდიდრეც შენთვის დამილოცნიაო“. მე გონება დამებნა: არ მესმოდა, სიზმარში იყო ყველა ეს, თუ ცხადლივ. ავდექი და რძალი ამოვირჩიე, იმ მოსაზრებით, რომ ქმარ-შვილ გამომვლილია და ოჯახის ყადრი ეცოდინება-მეთქი. ვახშამზე ძალიან მოვილბინეთ. მეორე დღეს უთენებლივ გამაღვიძა ჩემმა სასიამაორომ და მითხრა მოვზადებულაყავი წასასვლელად.

ეზოში რომ გაღვიხედე, ჯორ-აქლემები უკვე მზად იყვნენ. შევსხედით ცხენებზე მე და ჩემი მასპინძელი და გაუდექით გზას. ცოტა ვიარეთ, თუ ბევრი ვიარეთ უგზო-უკვლოდ ტყე-ღრეში, ბოლოს მივადექით ერთ ფრილო კლდეს. გადმოვხტით ცხენებიდან. მასპინძელმა კლდის ნაპრალიდან ამოიღო წკებლა, გადაჰკრა კლდეს. კლდემ პირი ქნა და გამოჩნდა გამოქვაბული. ჩამოვხსენით ჯორ-აქლემებიდან ტომრები, შევიტანეთ გამოქვაბულში და ავაგეთ თვალ-მარგალიტით. გამოვზიდეთ საესე ტომრები და ავკიდეთ ჯორ-აქლემებს.

ის-ის იყო უნდა შევმსხდარიყავით ჩვენც ცხენებზე, რომ ჩემმა სასიამაორომ მითხრა: „შეიტანე, ეს ხურჯინიც აავსეო“. ჩამოვართვი ხუუჯინი, შევედი გამოქვაბულში. ვერ მოვასწარი ხურჯინის ავსება, რომ ჩემმა მასპინძელმა, გადაჰკრა კლდეს წკებლა. კლდე შეერთდა, და დავრჩი მომწყვდეული.

სიბნელეში დარჩენილმა დავიწყე უგზო-უკვლოდ ყილი და ხელების ფათური; აქა-იქ ძვლების ხროვას წავეწყდი; მივხვდი, რომ მე პირველი მსხვერპლი არ ვიყავი ჩემი მასპინძლის ოინებისა. ფიქრებმა წამილო და სასოწარკვეთილი მივეყრდნე ნოტიო კედელს. უცებ რაღაც სულიერი არსება ვიგრძენ. ეტაცე ხელი,—გაიწია. დიდხანს მათხოკიალა და, ჩემდა გასაკვირველად, სინათლეზე გამიტანა. ვნახე, რომ მგელი იყო. ეტყობოდა არა-ერთხელ შესულიყო ამ ხერეღით, მომწყვდეულ ადამიანების შესაქმელად.



ღმერთს მადლობა შეეწირე გადარჩენისთვის და გაფრთხილდა. ვიარე, ვიარე, და ჩავედი იმ ქალაქში, სადაც უწინ ვიყავი. ისევ ძველ საყასბოს წინ გავჩერდი. დიდხანს ცდა არ მომიხდა; საყასბოში შემოვიდა ისევ ის მდიდარი კაცი, ჩემი მტერ-მოყვარე. იყიდა ხორცი, გადმომცა, წამიყვანა სახლში, გამიმსპინძლდა ძველებურად. ქალი და რძალი გამოიყვანა და მითხრა—საცოლელ ამერჩია ამ ორში ერთ-ერთი. რძალს იღბალი არ ჰქონია-მეთქი, და ქალიშვილი ავირჩიე. ერთი სიტყვით, ჩემი მასპინძელი ისე მომექცა, როგორც პირველ შემთხვევაში.

ალიონზე მივადექით ისევ იმ ძველ ფრილო კლდეს. ნაპრალიდან ამოიღო წკებლა და გადაჰკრა კლდეს; კლდემ პირი ქნა და გამოჩნდა გამოქვაბული, სადსე თვალ-მარგალიტი. ჩემმა სასიამაორო მითხრა:— „შედი, გავსე ტომრები თვალ-მარგალიტით, გამოიტანე და ჯორ-აქლემები დატვირთე“. მე ადგილიდან ფეხს არ ვძრავდი. „რას გაჩერებულხარ! შედი, რაღას უყურებო!“—გამიმეორა სასიამაორო.— „მეშინიან, ვერ შევალ“,—ვუპასუხე მე.— „აი, შე გლახა, გამომეყო“,—მითხრა მან და შევიდა გამოქვაბულში. ვისარგებლე შემთხვევით, საჩქაროდ დავწვდი წკებლას, გადავკარ კლდეს და ჩემი სასიამაორო ჩავაგდე იმ მდგომარეობაში, რომელშიაც პირველად მე იმან ჩამაგდო. გამოუძებნი ჯორ-აქლემებს, მოვიყვანე ჩემ მასპინძლის სახლში, დავიწერე იმის ქალზე ჯვარი და გავხდი მფლობელი აუარებელი სიმდიდრისა.

ასე გაათავა თავისი ამბავი ცხენზე მჯდომმა.

—ახლა ჩემს ამბავს გიამბობთ,—სთქვა ვირზე მჯდომმა, და დაიწყო:—მე ერთი მდიდარი ვაჭრის შვილი ვარ. მამა-ჩემმა ერთ მდიდარ, ლამაზ სოცდაგრის ქალზე დამნიშნა. რამდენჯერაც კი ვივახშმე ჩემ საცოლესთან, ვახშამზედვე ღრმა ძილი მომივიდოდა და ჩემს გარშემო რა ხდებოდა—არაფერი შესმოდა. აქ რაღაც უცნაური ხდებოდა-მეთქი, ვიფიქრე და კვლავ

ვახშამზე მიწვეულმა ხელი აღარას ვახლე; მოწოდებული დეინო მალულად გადავაქციე და თავი მოვიმძინარე. ხერინვა რომ ამოუშვი, ჩემმა საცოლემ გულიანად გადიხარხარა; მივიდა სარკესთან, მოლაშაზდა, მოკოპწიავდა, გავიდა და გაიხურა კარი. მე ფეხაკრებით უკან დავედევნე. შევიდა ჩემი საცოლე თავლაში, შეკაზმა ცხენი, მოახტა და გააჭროლა; შევარდი მეც თავლაში, შევჯექი მეორე ცხენზე და გამოვედექი.

ჩემმა საცოლემ მთა-მინდორი გადალახა, შევიდა ერთ დაბურულ ტყეში, ცხენი ხეზე მიაბა და შემდეგ შევიდა დანგრეულ ციხე-დარბაზში. მეც ჩამოვბტი ცხენიდან და შევიხედე სარკმელში, საიდანაც სინათლე გამოდიოდა; ვხედავ, რომ ოთახში სუფრა გაშლილია, ზის არა ჩვეულებრივი, უზარმაზარი, ბეწვით შემოსილი შავი კაცი და ჩემ საცოლეს ეალერსება. სული ყელში მომებჯინა, სიბრაზისგან ვიხრჩობოდი. მივხვდი, თუ რისთვის მაძინებდა ხოლმე ჩემი საცოლე. მინდოდა შევარდნილიყავი, მაგრამ შევჩერდი, რომ უფრო მოხერხებული დრო მეპოვნა. ამ დროს, ჩემს იღბალზე, უზარმაზარი კაცი სუფრიდან წამოდგა და კარებისკენ გამოემართა. მე იქვე კედელს ამოვეფარე და, როდესაც გარედ გამოსული თავს წამომადგა, მოულოდნელად გულში დანა დავეცი. მოვაჯექი ჩემ ცხენს და დავბრუნდი ჩემ საცოლოს სახლში.

დავჯექი იმავე ადგილას და თავი მოვიმძინარე. არ გასულა დიდი ხანი, შემოვარდა ჩემი საცოლე წივილ-კივილით, ამოიღო ბოლჩიდან ჩემგან მოკლული კაცის თავი, დაიდო წინ; სტიროდა, მოსთქვამდა და სწყევლიდა იმას, ვინც იყო მიზეზი იმის ბედნიერების დარღვევისა.

მე გულმა ვედარ გამიძლო, მოთმინება დაკარგული წამოვარდი ზეზე და შევყვირე:

— ეგ მე მოვკალი, და შენც ღირსი ხარ სიკვდილისა!



— მაშ შენ მოჰკალიო?—სთქვა გააფთრებულმა ქალმა, გადაპყრო ხელი ტახტის უკან, ამოიღო წყება, გადმოძერა და თან დაუმატა: „ძალლი ხარ, ძალლად იქვეციო“... და გადავიქვეცი ძალლად.

რალა უნდა მექნა,—გამოვარდი ვარედ. ძალლებმა მიუცხოვეს, დამედევნენ და ხან სად წამებუნეს, და ხან სად. დაკაწრულ-დაგლეჯილი შევარდი ჩვენს მეთორნესთან და თორნის გვერდით მოვიძუძგე. შემიბრალა მეთორნემ, ჰურის ლუქმა გადმომიგდო. სალამოზე სახლში წამიყვანა. ამ მეთონის დედა გულთმისანი იყო. დამინახა თუ არა, გაცეცხულმა უთხრა თავის შვილს: „უი, დამიდგეს თვალები, ეს ძალლი—ძალლი კი არ არის, ჩვენი ვაქრის შვილია, ძალლად გადაქცეულიო. „ილარა ეშველებო?“—ჰკითხა შვილმა. „როგორ არა, შვილო, მაგრამ სახიფათოა, ვაი თუ ვერ აიტანოს და მოკედესო“.—„ძალლად ყოფნას სიკვდილი სჯობიაო“,—უპასუხა შვილმა. მეც ყვეფით ვუცხადებდი თანხმობას.

დედაბერმა შემოდგა ცეცხლზე საარაყე ქვაბი, და როდესაც ძალზე აქაფდა, აიღეს და თავზე გადამსხეს. გამძვრა ძალლის ტყავი და ვიქვეცი ისევ აღამიანად. ჩემ სიხარულს საზღვარი არა ჰქონდა; არ ვიციოდი, მადლობა რითი გადამეხადა. გამოვიცვალე ტანისამოსი, შევიძურე სახე, თმა ინით შევიღებე, წამოვიკიდე ზურგზე სავაქრო და ჩემი საცოლოს სახლს აუარ-ჩაუარე. ამგვარად რამდენიმე დღე დავდიოდი.

ერთ დღეს, როდესაც ჩვეულებრივ გაუარე საცოლეს სახლს, აივნიდან გადმომდგარმა ჩემი საცოლეს მოსამსახურე გოგომ დამიძახა. ავედი და სავაქრო გაუშალე. როდესაც ჩემმა საცოლემ ფართალს სინჯვა დაუწყო, მე ტახტის უკანიდან გამოვიღე სასწაულმოქმედი წყება, გადაუჭირე და გადაუჭირე ჩემ საცოლეს და დაუმატე:—„ვირი ხარ, ვირად იქვეცი“—მეთქი. ჩემი საცოლე გადაიქცა კობტა ვირად.



დამჭენარი ვარდი

(ხკო შარაშიძის ხსოვნას*)

გაზაფხულზე დაუბნულა სსსიციცხლო ცის დაფარდა,
სუსსმა დაჭკრა... ჭ ჩამოწედა მშობლიურ ტოტს ხორჩი ვარდი;
ძირს დაქეა, დაიფურცლა, წარეკვეთა ეოფნა ტკბილი,
ჩანგი კატედა, სიში კაწედა, ასეფერად აწეობილი.

მს გაფურჩქნა ვით სწუროდა! სიციცხლის მზეს ვით ეტროფოდა,
თეის კარემის ვით აძეობდა, ისე ნაზად იშელებოდა.
იგი ეფო მშობელ ბუნჩზე სხვა ვეპვილთა დამამშვენი,
თაიგულის შემაძეობა, სურნელების ნაზად შიეენი.

მაგრამ სუსსმა არ დაინდო, ხორჩი გულა ეაუენა,
სასიკედელიო ციეი სუნთქვით სამუდამით დაძინა...
ის ჩამოწედა მშობლიურ ტოტს, სსსიციცხლო ფერთებ-დამზრადი,
და მას შემდეგ სტირის ბუნჩი, ბროლის ცრემლებ-შეუმშრადი.

ი. სიხარულიძე

* ხკო შარაშიძე, პათოლს განზნას მესამე კლასის პიწიეუ, ცარდიცედა 1917 წლის, სო-
კიენს. ფრიად სიჭენი და კოთლი სეკში ეფო, სეპირკად სეცეკი. მისი დიკრეკეო შიმიკლმა
თიანამ სეუეკეო წეერი დიქარა.

ი. სიხარულიძე



შავ ტყუანეტას შვილოებილი

(შემდეგი *)

XXIV

სახიამოვნო შეხვედრა



რობეღ, როდესაც თავიდან ფეხებამღი ქურქ-
ში გამოწყობალი ქალბატონი ეინსგორტი სა-
სეირნოდ წასვლისას დაბლა დარბაზში ჩავიდა,
გაკვირვებით შენიშნა ანთებული ბუხრის
წინ მჯდომი ფილიპე. ბავშვს სავარძელიზედ
ბუხრის მოაჯირთან მიეღა და თვალდაბუ-
ქული და გულ-ხელ-დაკრეფილი იწვა. რაღაც
საკოდაობა იხატებოდა ამ ბავშვის უმწეო მდგომარეობაში
და გაფითრებულ, დალილ სახეზე. ქალბატონმა ეინსგორტ-
მა გაიფიქრა, — ბავშვს ალბად სძინავსო, მაგრამ გაიგონა თუ
არა ფილიპემ ფეხის ხმა, მაშინვე ცოტა დარცხვენით წამოხტა.

— განა გცივია, ბუხარს ისე ახლოს რომ მისჯდომიხარ? —
აღერსით ჰკითხა მან.

— თუმცა მცივია, მაგრამ ძლიერ კი არა, — უბასუხა ბავ-
შემა და სცადა მხიარული გაღიმება.

*) იხილე „ნაკადული“-ს მე-6 და მე-7 №№.

— დღეს სასეირნოდ არ წასულხართ?— ჰკითხა მან და ბავშვს გულდასმით შეხედა. მხოლოდ ახლა შენიშნა, რომ ბავშვი გამხდარია.

— არა, ჯერ არ წავსულვარ. ჯერ გაკვეთილი არ ჩამიბარებია. შემდეგ კი წავალ.

— არ გირჩევენია ეტლით გავისეირნოთ? ჩაიცვი ქურჭი და ერთად წავიდეთ.

მას შემდეგ, რაც ქალბატონი ვან ნარკომი წავიდა, ეს პირველი არ იყო ფილიპეს და ქალბატონ ეინსვორტის ერთად სეირნობა. რომ მარტო არ ყოფილიყო, ხან-და-ხან ბავშვი თან მიჰყავდა. ქალბატონ ვან ნარკომის აზრით მისთვის უფრო სასარგებლო იყო საზღვარ გარედ ცხოვრება და გადასწყვეტა პარიჟში დასახლება, სადაც ოჯახის ახალი წევრის შექმნის შემდეგ ჩქარა წაიყვანა ლიუსილი, ფინია. გამდელი და ელენე. ქალბატონი ეინსვორტიც გაჰყვებოდა, მაგრამ მას ახლა აქ პატარა შვილის-შვილი აკავებდა, რომელიც, რასაკვირველია, პატარა მემკვიდრეზე უფრო პატივსაცემი იყო.

ფილიპე უგულოდ წავიდა ქურჭის ჩასაცმელად; მას მაინცა-და-მაინც არ მოსწონდა ეს მორიდებული სეირნობა. ბალი ახლა ისე მხიარული აღარ იყო: ხეებს ფოთლები ჩამოეყარათ, ალაგ-ალაგ თოვლის ზვინები იდგა, ტბა გაიყინა, და მისი საყვარელი ჩიტები სამხრეთში გაფრენილიყვნენ, სადაც, რომ შესძლებოდა, ისიც სიამოვნებით გაჰყვებოდა.

პარკის ხეივანში გავლის დროს მისი ყურადღება ნაფლეთებში გამოწყობილი ზანგის ბავშვის ირგვლივ თავმოყრილმა ბავშვთა გროვამ მიიპყრო. ზანგის ბიჭი ფილიპესკენ ზურგმოქცეული იდგა, თვალებს იფშენეტდა და ხმა-მალლა სტიროდა. აშკარა იყო, რომ იქ ჩხუბი მოხდა და ჩხუბში პატარა ზანგი დამარცხდა. ფილიპემ ერთი კიდევ მიიხედა ბავშვებისკენ და ზეზე წამოვარდა.



— ეს ლილიბელია! თომა, გააჩერე ეტლი, ჩამოვალ.
ეს ლილიბელია: ლაწირაკები სცემენ! გააჩერე, ჩქარა ჩამო-
ვალ!

თომამ ეტლი გააჩერა. ფილიპეს Madame ეინსვორტისა-
თვის არც კი უკითხავს, ისე გაჰქანდა ბავშვებისაკენ.

მოხუცი ქალბატონი გონზე ვერ მოსულიყო: მის გან-
ცვიფრებას და შეწუხებას საზღვარი არ ჰქონდა, როდესაც
დაინახა, რომ ფილიპე ქუჩის ბიჭებში შეიჭრა და მარჯვნივ
თუ მარცხნივ უშნო ზანგის ბიჭის დასაცველად სიღებს არი-
გებდა.

— გასწი, მალე!—უბრძანა მან მეეტლეს.

როცა ბავშვებმა დაინახეს, რომ ეტლიდან გადმომ-
ხტარი ლამაზი ბავშვი მათკენ მოეშურება, გაიფანტნენ ქუჩა-
ში; მარტო ფილიპე, ლილიბელი და ცნობის მოყვარე მოხე-
ტიალე ხალხი დარჩა.

პირველად ზანგმა ფილიპე ვერ იცნო, თუმცა ფილიპე
დაჟინებით ეკითხებოდა:

— აქ საიდან გაჩნდი? როდის ჩამოდი? სელინაც აქ არის?
ლილიბელი იფშენეტდა თვალს და სლუკუნით ძლივს ამ-
ბობდა:

— თქვენა ხართ, ოსტატო ფილიპე? ველარ გიცანით!
თქვენ ამ ქურქში ნამღვილ ბატონს ჰგევხართ! ყველგან გე-
ძებდით. რა მშვენიერი წაღები გაქვთ!—ამ სიტყვებით ლილი-
ბელმა აღტაცებით დაუწყო თავის მგგობარს თვალღიერება და
სიხარულისა და მღელვარებისაგან კიდევ უფრო აკანკალდა.

— როგორ მოხვედი აქ?—მოუთმენლად განუმეორა
ფილიპემ.— მითხარი, აქ როგორ გაჩნდი?

— ერთი დიდი გემით მოვედი. დედა დამემუქრა—გა-
გწკებლავო,— იმიტომ... იმიტომ რომ იმისი ფულები შემომე-
ხარჯა. მე მხოლოდ ცირკში წავედი და ტკბილი პური ვი-
ყიდე. დედა-კი გამიჯავრდა და მითხრა:— იმდენს გცემ, რომ

ლოგინად ჩავარდეთ... ამის შემდეგ მე გაეჩქეცი და ერთ
 გემზე დავიშალე და... მე ავად ვიყავი, კინაღამ მოვკვდი!..



აქ როგორ განდა?..

ლილიბელმა ისევ სლუკუნი მორთო, როცა მოაგონდა გემით
 მოგზაურობა.

—ოჰ! რა ცუდი ვიქნია, რომ გამოქცეულხარ,—სთქვა
 ფილიპემ.—ზომ შესწუხდება საბრალო სელინა?



— დედა ჩემი? მე დარწმუნებული ვარ—იმას კიდევ გაახარებდა ჩემი სიკვდილი. ის დარწმუნებულია, რომ მე მოვკვდი; მე ხომ მდინარის პირად ქუდი და ხალათი დავტოვე,—განგებ, რომ მას დამღრჩავალი ვგონებოდი.

— რა სისაძაგლეა! მე ძლიერ ვწუხვარ, რომ შენ ავეთი ავი ხარ!—წამოიძახა ფილიპემ.—როდის მოხდა ყველა ეს? დიდი ხანია? ყველაფერი დალაგებით სთქვი.

— კაი ხანია მას აქეთ. ერთ წელზე მეტია, რაც შენ აქ დაგეძებ.

— მერე როგორ ცხოვრობდი მთელი ამ ხნის განმავლობაში?

— მე აი იქ ვცხოვრობდი,—ლილიბელმა ქალაქის დასავლეთ ნაწილისაკენ გაიშვირა ხელი.—ერთ საშინლად ავგულა სამიკიტნოს პატრონ ქალბატონთან. საშინლად მიმბეგვა, როდესაც მე იატაკზე ფული ვიპოვე და მას არ მივეცი... მე ვიპოვე—ფული ჩემი იყო; იმან კი მცემა და კიდევ პოლიციელს უძახოდა; მე გამოვექეცი, დავდიოდი და სულ შენ დაგეძებდი.

— ღმერთო ჩემო, რა გაქირვება გამოგივლია!—ამოოხვრით სთქვა ფილიპემ.—მაგრამ ფული თუმცა მართალია შენ წახე, მაინც შენი არ იყო.

— არა, ის ჩემი იყო, ოსტატო ფილიპე, ის მე ვიპოვე; კი არ მომიპარავს!

ფილიპე გრძნობდა, რომ უნაყოფო ცდაა—ლილიბელისთვის იმის ახსნა, თუ რაა მისი, და რა სხვისი. ის სიბრაღულის თვალთ უცქეროდა ბავშვის საცოდავ ტანისამოსის ნაფლეთებს და ამგვარადვე დაფლეთილ ფეხსაცმელებს.

— მაშ კარგი, წავიდეთ სახლში. ესთხოვ დედას—სხვა ტანისამოსი მოგცეს. ნულარ სტირი: მე ვიზრუნებ შენთვის! წავიდეთ!



— ამ სიტყვებით ფილიპემ იქვე ერთი ეტლი დაიჭირა, შიგ ლილიბელი ჩასვა, თვითონაც გვერდით მოუჯდა და შეეტლეს ბინა ასწავლა.

ერთი საათის შემდეგ გამოცოცხლებულ და მხიარულ ფილიპეს კარზე არც კი დაუკაკუნებია, ისე ქალბატონ ეინსვორტის ოთახში შევიდა.

— იცი, დედა!—მხიარულად წამოიძახა მან:—ლილიბელი ჩამოსულა.

— ვინ ლილიბელი!—განცვიფრებით იკითხა ქალბატონმა ეინსვორტმა. მას სულ დაჰვიწყებოდა სასაცილო ზანგის ბიჭი, რომელმაც ოდესღაც მასთან ფილიპეს ნივთები მოიტანა.

— როგორ არ გახსოვს, დედა, სელინას ლილიბელი, — სთქვა გულ-ნაწყენმა ფილიპემ.

— ჰო! მართლა, ახლა მოვიგონე: პატარა შავკანიანი ბავშვი ახალ ორღიანში?

— დიახ, დიახ, სწორედ ისაა! ის აქ არის, და ტანთსაცმელი არა აქვს: სულმთლად ნაფლეთებშია და ძალზე გაცივებულია. მე ის ქუჩაში შემხვდა. შინიდან გამოპარულა და აქ გემით მოსულა. დადიოდა ქუჩა-ქუჩა და მე დამეძებდა. როცა ლაწირაკებმა ნახეს, რომ დამხმარე არავინა ჰყავს, დაეცნენ და სცემეს. სცემდნენ მაშინაც, როდესაც აშკარა იყო, რომ ის დამარცხებულია. ხომ საძაგლობაა, დედა, დამარცხებულის ცემა? მაგრამ როდესაც მე დამინახეს, ეს მზღლები სულ დაიფანტნენ. რომ არ გაქკეულიყვნენ, მე იმათ ვაჩვენებდი!

— ოჰ, ფილიპე, ნუ თუ შენ ქუჩის ბიჭებთან ჩხუბს ასტეხდი?—ზიზლით შეეკითხა ქალბატონი ეინსვორტი.

— რასაკვირველია, დედა, თუ დავინახავდი, რომ ისინი ვინმეს და მით უმეტეს ლილიბელს სცემენ. შეიძლება, დედა, ლილიბელს ჩემ ტანსაცმელებში რამე აურჩიო? მე ხომ ბევრი

მაქვს! ხომ შეიძლება სახლთხუცესს ვსთხოვო—გაადლონ ბავ-
შეი? ხომ შეიძლება, დედა, ის აქ დარჩეს?

— აქ დარჩეს? არა, ფილიპე, ეს არ შეიძლება! სად უნ-
და მოვათავსოთ? და ალაგიც რომ იყოს, მაინც Madame
ეინსვორტს ნებაართვა უნდა ვსთხოვოთ.

— იმას ხომ შეუძლია თომასთან თავლაში იცხოვროს.
მე რომ ვსთხოვო თომას, იმედი მაქვს უარს არ მეტყვის.

ქალბატონი ეინსვორტი უხერხულ მდგომარეობაში ჩა-
ვარდა.

— მე თვითონ არ ვიცი—რა გითხრა, ჩემო საყვარელო,
სანამ მამა-შენს არ მოველაპარაკები. მიეცი ბავშვს შენი შავი
ტანისამოსი, რომელსაც შარშან ზამთარში ატარებდი, და
სთხოვე ბასეტს საკმელო მისცეს. რაც შეეხება მის აქ დარ-
ჩენას, მაგაზე არაფრის თქმა არ შემიძლია. ყოველ შემთხვე-
ვაში ჯერ-ჯერობით შეიძლება თავლაში დარჩეს.

ფილიპე სიხარულით გაეშურა ტანისამოსის საძებრად და
ჩქარა სუფთად ჩაცმული ლილიბელი წინანდებურად უწნო
ალარ იყო. თომაც დასთანხმდა, ბავშვს თავლაში დაეაყენებ,
თუ კი Madame ეინსვორტი ნებას დართავსო.

სალამოს დიდი მზიარულება იყო თავლაში. ფილიპე ნა-
სადილევს იქით გაეშურა, და ბასეტმა ნახა, როგორ მიჰქონ-
და ბავშვს ხელსაწმენდ—გადაფარებული კალათი. ლილი-
ბელის მზიარულება უმწვერვალესამდე ავიდა, ფილიპე ხომ
სრულ ბედნიერებას განიცდიდა.

XXV

ფილა აივსო

Madame ეინსვორტს არც თანხობა და არც უარი არ
განუცხადებია ლილიბელის დარჩენის შესახებ: ის ამ საკითხს
თავის ყურადღების ღირსადაც კი არ სთვლიდა რამოდენიმე



ხანს ყველაფერი კარგად მიდიოდა, და ფილიპეს მზიარულებას საზღვარი არ ჰქონდა, რომ ასე კარგად მოაწყო თავისი მეგობრის საქმე. ერთი იყო მხოლოდ: მიუხედავად ბატონ და ქალბატონ ეინსვორტებისაგან გამოთქმულ სურვილისა, ფილიპე უმეტეს დროს თავლაში ატარებდა. პატარა ზანგს თითქოს ისეთი მიმზიდველი ძალა ჰქონდა, რომლის დაძლევა ფილიპეს არ შეეძლო. ის წამ-და-უწუმ გარბოდა თავლისაკენ, სადაც გაცხარებით ლაპარაკობდა თავის სახლსა, დედასა და სელინაზე.

საკუთარი შვილის სიყვარულით გატაცებული ქალბატონი ეინსვორტი ვერ ამჩნევდა, რომ ზავში უაღერსოდ იჩაგრება და რომ სწავლაში მისი გულგრილობა და ხატვაზე გულის აყრა რალაც გრძნობის მოდუნების შედეგია. ის ხედავდა, რომ ზავში ვახდა და გაფითრდა, მაგრამ ამას ზავშვის ნაჩქარევად ტანის აყრას აწერდა და ფიქრობდა, რომ ეს ამ ხნის ზავშვებს ყოველთვის ასე ემართებათ. ერთის მხრივ ის მართალი იყო: მართლაც აღერსიანი სიყვარულით აღსავსე ცხოვრებიდან ზავში უაღერსო, ერთფეროვან ცხოვრებაში გადავიდა; თბილ, მზიან სამხრეთიდან ცივსა და მკაცრ ჩრდილოეთში მოხვდა. უბრალო, ბუნებრივ ცხოვრებიდან, ქედ-მალალ, დიდკაცური აზრებით გაჟღენთილ წრეში ფილიპე ხელოვნურ ნიადაგზე გადმოორგული მინდვრის ყვავილი იყო. ამგვარმა ცვლილებამ ცუდად იმოქმედა მანზე: ის ვერ შეეგუა მისთვის უცხო, თუმც მდიდარ ნიადაგს.

ერთხელ ფილიპემ ლილიბელს ჰკათხა—სურს თუ არა მას სახლში დაბრუნება? პატარა ზანგმა ჩაიკინა და სთქვა:

— დიახ, ოსტატო ფილიპე, ძლიერ მინდა!—და თანაც გადაწყვეტით დასძინა:—მაგრამ იმ საშინელ გემში არაფრის გულისათვის აღარ ჩაჯდები: მე ისევე ფეხით წავალო.

— კი, მაგრამ ძლიერ შორი გზა რომ არის,—უპასუხა ფილიპემ.—ჩემი აზრით შენ იქ ერთ კვირაშიდაც ვერ მიხვალ.

ფილიპეს ძლიერ ბუნდოვანი წარმოდგენა ჰქონდა მანძილის შესახებ.

— შე მშვენივრად დავიმალეები საქონლის მატარებლის ვაგონებში, მაგრამ მარტო მეშინია. შეიძლება, ოსტატო ფილიპე, შენც გამოიპარო ჩემთან?

— გაპარვა ჩემთვის საკირო არ არის. იქ წასვლა ძლიერ მინდა, მაგრამ გაპარვით კი არა. ჩემი დედ-მამა ჩქარა წამიყვანენ იქ; ისინი შენც წაგიყვანენ. როგორ გაუხარდება სელინას შენი ნახვა!

ლილიბელმა ჩაიცინა და თავი დააქნია, თუმც არ იყო სრულდებით დარწმუნებული, რომ დედა სიხარულით შეხედებოდა.

ამ ლაპარაკის შემდეგ, დაახლოვებით იმ დროს, როდესაც ფილიპე დიდი ხნის სურვილის ასრულებას მოელოდა, ბატონი ეინსვორტი მოულოდნელად საჩქაროდ დასაველეთში გაიწვიეს. საქმე რკინის გზის შტოს შეეხებოდა და შესაძლებელი იყო, რომ არა მარტო Madame ეინსვორტის, პატარა მემკვიდრის ინტერესებიც დაზარალებულიყო. ამ რიგად ფილიპეს ოცნება სამშობლო მხარეების ნახვის შესახებ ისევ სხვა დროსთვის გადაიდო.

ამავე დროს ლილიბელი ქუჩაში წაღების მწმენდავ ერთ გაფუჭებულ ბავშვს დაუშეგობრდა. მან თომას თანხმობით ბავშვი თავლის რჩეულ საზოგადოებას გააცნო და თითქმის მთელ დღეს მასთან ატარებდა. ხშირად ორნივე რამოდენიმე დღით სადღაც იკარგებოდნენ. ამისთანა მგზავრობიდან ლილიბელი დაცვეთილ ტანისამოსით, ტალახიანი, მშვიერი და ძლიერ შეწუხებული ბრუნდებოდა. ეს ძლიერ საზარალო იყო ფილიპეს ტანისამოსებისათვის და მოთმინების ფილასაც ავსებდა. რაც ყველაზედ უარესი იყო—ყველა ამგვარ მგზავრობას მოსამსახურეების პატარ-პატარა ნივთების, ბასეტის კოვზის ან ჩანგალის, მზარეული ქალის წვრილი ფულის და ქურქლის მრეცხავების იაფი სამკაულების დაკარგვა მოჰყვებოდა ხოლმე.



ნელ-ნელი ლილიბელმა ისწავლა გზა ბასეტის ოთახში და ფილიპესთანაც; და როდესაც ერთხელ Madame ეინსვორტმა მოუსწრო, როცა ის მაგიდ-ზე მის ძვირფას-სამკაულებს გულდასმით ათვალიერებდა, ლილიბელმა განაცხადა—თქვენ სახლში მეტს ვერ გავჩერდებო. თავის ოთახში ბავშვი რომ ნახა, Madame ეინსვორტმა გადასწყვიტა: ამას წინად მისი ძვირფასი ბეჭედის დაკარგვაც ლილიბელის საქმე იყო; ბავშვი ქურდია და უნდა მის სახლს განშორდეს, სანამ პოლიციისათვის არ დაუძახნია.

ფლიპე უიმედობას მიეცა. მარტო იმის ფიქრი, რომ ბავშვი შეიძლება ციხეში წაიყვანონ, შიშის ზარსა სცემდა. მის ვერ წარმოედგინა, რომ ლილიბელი დამნაშავეა. ვაცხარებით დარიგებას აძლევდა, ჩააცვა ახალი ტანისამოსი, მისცა ფულები და დატონებით ურჩევდა რამე ალაგზე დამდგარ-ყო და პატიოსნად ეშრომნა ლუკმა პურისათვის.

ლილიბელი ყოველთვის პირობას აძლევდა—გავსწორდებო, მაგრამ ერთი კვირის შემდეგ ისევ ნაფლეთებში გახვეული და შეწუხებული თავლის წინ გაჩნდებოდა. ერთხელ ფილიპეს ჩუმად გამოუძახეს გარედ. იგი მივიდა პატარა გაიძვერასთან, რომელიც სიცოცხისაგან კანკალებდა და სლუკუნებდა. მას არ ეცვა თბილი ხალათი და ფეხსაცმელები. ჰყუნავდა, და ბავშვის სიტყვებზე ფლაპტა გული სიბრაღულით აუესო. სასოწარკვეთილება ეუფლა და არ იცოდა რა ექნა. იყო მხოლოდ ერთად ერთი გზა—ისევ თომასთვის უნდა ეთხოვნა დროებით თავლაში შეეფარებია, სანამ სხვა რამეს მოიგონებდა.

— კინალამ შიმშილით სული ამომძვრა, —ამბობდა ლილიბელი, — შეაფარა თუ არა თავი სტუმართ-მოყვარე თავლის კედლებს.

— რა უყავი, მე რომ ფულები მოგეცი? — უიმედოდ შეგკითხა ფილიპე: — რატომ არ იყიდე საქმელი?

— როგორ არ ვიყიდვ, ოსტატო ფილიპე: ვიყიდვ სარდინკა და ატამი.

— რატომ პური არ იყიდვ?

— მე სარდინკა და ატამი უფრო მიყვარს!

რა პასუხი უნდა მიეცა ფილიპეს ამ შემთხვევაში? ხელახლა საჭირო იყო ბასეტთან მოლაპარაკება, და კეთილი მოხუცი შევლოდა პატარა მეგობარს: დიდი სიფრთხილითა და ფარულად ლილიბელისათვის საკმელს აძლევდა.

ფილიპეს მოუსვენარ მეგობრის ამბავი სახლში არავინ არ იცოდა და Madame ეინსვორტი დარწმუნებული იყო, რომ ბავშვი თავიდან მოიშორა. ერთხელ სეირნობიდან დაბრუნებისას თავის სახლის კიბეზე თავმოყრილი ხალხი დაინახა. პირველად ეგონა, რომ სახლში ცეცხლი გაჩნდა, მაგრამ ჩქარა შენიშნა, რომ ხალხის ყურადღება გარედ იყო მიქცეული. როდესაც თომამ ეტლი კიბესთან გააჩერა, Madame ეინსვორტი ხალხში გაერია და მის თვალს საშინელი სურათი წარმოუდგა: მალლა კიბეზე სქელი ქალაღლის კოლოფის თავზე ვაქსით ნაჯღაბნი აფიშა იყო მიკრული შემდეგის წარწერით:

„თეთრი თავგები. ხუთი ცენტი წარმოდგენისათვის!*)“


აფიშასთან ფილიპეს საუკეთესო ხალათში გამოწყობილი ლილიბელი იღვა და ცოტა დაბლა, კიბეზე, გალიით ხელში წაღების მწმენდავი იჯდა და ხმა-მალლა აქებდა მამა გოზეფის შეილების ნიქსა და ცოდნას. პაწია ცხოველები წარმოდგენელი სისწრაფით გალიის კუთხეებს ეხეთქებოდნენ.

ამ საშინელი სურათის დანახვაზე Madame ეინსვორტს კინალამ გული შეუწუხდა.

— თომა, გარეკე ხალხი და წაიყვანე ესენი! — იმან ლილიბელზე, „შვილებზე“ და აფიშაზე მიუთითა.

*) ორი შაური.

საბედნიეროდ ფილიპე ამ დროს მასწავლებელთან მეცადინეობდა და წარმოდგენის შესახებ არაფერი არ იცოდა. ეს



„თუთრა თაკვები! ხუთი ცენტი წარმოდგენასთვის“.

იყო ლილიბელის და წაღების მწმენდავისაგან ფულის საშოვარად მოწყობილი სავაჭრო საქმე.

— როდესაც Madame ეინსფორტმა გაიგო, რომ ლილიბელი ისევ თავლაში ცხოვრობს და ეს ფილიპემაც იცის, მის აღშფოთებას საზღვარი არ ჰქონდა.

ფილიპეს ახლაც, როგორც ერთი წლის წინად, „შეიღების“ დასაცავად გამოსვლა დასჭირდა, მაგრამ ამას ახლა

არა სასიამოვნო შედეგი მოჰყვა... ლილიბელი დაუყონებლივ უნდა განშორებოდა იქაურობას. რაც შეეხება „შვილებს“, ფილიპე კარგა ხანს სრულსა და სამწუხარო გაუგებრობაში იმყოფებოდა.

XXVI

„ღამე მშვიდობისა, უფალო სახლთუხუცესო“.

რამოდენიმე დღის შემდეგ Madame ეინსვორტი და ერთი მისი ძველი მეგობარი ქალი სასტუმრო ოთახში ისხდნენ და ძლიერ გულდასმით მუსაიფობდნენ. დისახლისის ყოველთვის წყნარი ხმა ხანდახან ძლიერ მკვებედ გაისმოდა.

— ჩემთვის რომ ეკითხათ, ეს არას დროს არ მოხდებოდა, — აღშფოთებით ლაპარაკობდა ის. — მეტის მეტად აჩქარდნენ და ახლა თვითონაც ნანობენ.

— რასაკვირველია უნდათ, რომ უფროსობა იმათ საკუთარ შვილს ერგოს, — წყნარად უპასუხა მეგობარმა.

— რასაკვირველია იმათაც ეს უნდათ, მაგრამ თავი-და-თავი ეს კი არ არის. იმათ ძლიერ აწუხებს, რომ ბავშვი, როგორც მოელოდნენ, ისეთი არ გამოვიდა. როდესაც წამოიხარდა, ძლიერ მოუხეშავი გახდა. ან კი სხვას რას უნდა მოელოდე ბებერი ზანგის აღზრდილ ბავშვისაგან? ამას წინადა აქ ზანგის პატარა ქურდი ბიჭი მოიყვანა და სულითა და გულით მისი მეგობარია. ცოტა სიმწარე არ ვნახეთ, სანამ არ მოვიშორეთ თავიდან, მაგრამ ფილიპე ახლაც ნახულობს ალბად საღმე თავის მეგობარს. ლაურასა და ედუარდსაც ცოტა სიმწარე არ უნახავთ ამ მოუსვენარი ბავშვისაგან მეც ისე ვაჩვენებდი თავს, თითქოს მჯეროდა, რომ იმათ ბავშვი უყვართ; მაგრამ კარგად ვხედავდი, რომ ნამდვილად იმათ ის არასდროს არ ჰყვარებიათ; ახლა კი, საკუთარი შვილი რომ ეყოლათ, თვითონაც კარგად მიხედნენ ამას, სრუ-



ლებით არ შეეწუხდები, ბავშვი რომ თავის მეგობრით იმის-
თანა აღაგას გაიპაროს, საიდანაც იმის ამბავსაც ვერ გავი-
გებთ. მათი ბავშვისათვისაც არაა კარგი, რომ ასეთი უფროსი
ძმა ჰყავს. თქვენ კარგად იცით, პატარები დიდებს როგორ
ჰბაძავენ ყველაფერში.

როდესაც Madame ეინსვორტმა და მისმა მეგობარმა
სასტუმრო ოთახი დასტოვეს, ფარდის იქით ფანჯარასთან
ფეხის ფრთხილი ხმა გაისმა და იქიდან ფილიპე გამოვიდა. ის
მკვდარივით ფერ-მკრთალი იყო და თვალეში მწუხარება და
განცვიფრება ეხატებოდა. როდესაც ოთახში ორი მეგობარი
ქალი შემოვიდა, ის იქ იჯდა, ქუჩაში გამვლელ-გამოვლელთ
ათვალიერებდა და უნებლიედ მთელი ლაპარაკი სიტყვა-სი-
ტყვით მოისმინა.

ამის შემდეგ იმავე დღეს საღამო საქველმოქმედო მიზნით
სტუმრობიდან დაბრუნებულმა Madame ეინსვორტმა ერთი
ქუჩის კუთხეში ფილიპე და ლილიბელი დაინახა. ისინი რაღა-
ცას გულდასმით ლაპარაკობდნენ.

„მე კარგად ვიცი, — გაიფიქრა ბებერმა ქალბატონმა, —
რომ ფილიპე ნახულობს საღამე ამ პატარა გაიძვერას. რაზედ
უნდა ითათბირონ ახლა იმათ? მე, მართალი რომ ვსთქვა,
ძლიერ მაშინებს იმათთან ერთ ქერ ქვეშ ცხოვრება“.

როდესაც სადილის წინ ფილიპე სასტუმრო ოთახში
შევიდა, ყველამ შენიშნა, რომ ის არაჩვეულებრივად აღელ-
ვებულია და ტანისამოსიც რიგზედ არ აცვია.

— ეს ბავშვი გვარცხვენს, — დაბალი ხმით შენიშნა თავის
რძალს Madame ეინსვორტმა. — ის ამ ბოლო დროს ძალიან
უშნოდ არის გამოწყობილი.

— ძლიერ ვწუხვარ, — უპასუხა გაწითლებულმა ქალ-
ბატონმა. — ეს ჩემი ბრალია. მე როგორღაც ყურს აღარ უგ-
დებ ამ ბოლო დროს, და ბავშვი გარეგნულად მართლაც
რომ გამოცვალა.

ფილიპემ შენიშნა, როგორი მძულვარებით შეხედა მას Madame ეინსვორტმა და ყური მოჰკრა მის მკვახე სიტყვებს. ბავშვს ნერვები მეტის მეტად აშლილი ჰქონდა, სმენა არა-ბუნებრივად გაუმახვილდა, გულიც აუტანელად სტიკოდა. მან კიდევ უფრო ჩაჰყო წიგნში თავი უნებლიეთ მომდგარი კრემლების დასაფარავად. როდესაც სუფრა გაშალეს, ის ყველაზე უკან შევიდა ოთახში და შეუმჩნეველად თავისი ალაგი დაიჭირა.

ბასეტი კოტას-კი არ სწუხდა, რომ ბავშვი საკმელს არ ეკარებოდა, და როდესაც სადილი გათავდა, მან თეფშით ნუშის ნამცხვრები და კამფეტები შკაფში შეინახა: „პატარას არაფერი არ უქამია. ის ავადა და აღელვებულია. ტბილელულობით მიინც გავამზიარულე“, — ბუნდუნით სთქვა მან. როდესაც ბასეტმა ვერცხლელუობა შკაფში შეინახა, მის ოთახში ფრთხილად ფილიპე შემოვიდა და კეთილ მოხუცს უსიტყვოდ თვალები მიიპყრო. რალაცას თქმა სურდა, მაგრამ გული მეტის-მეტად უცემდა. როდესაც ბასეტმა კამფეტები გამოიღო და ფილიპეს გადასცა, ბავშვმა თავი ველარ შეიმაგრა, ტუჩები დაეღრიჯა და სახეზე მსხვილი კრემლები ჩამოუვარდა.

— რა ამბავია, ბატონო ფილიპე, რაშია საქმე? რა მოხდა? — წამოიძახა ბასეტმა, როცა დაინახა, რომ ყოველთვის მზიარული პატარა მეგობარი უზომოდ იტანჯებოდა.

— არაფერი... არაფერი, ბატონო სახლთუბუცესო; მაგრამ... მაგრამ თქვენ ისე კეთილად მეტყვევით იმ დროს, როდესაც არავენ არ მეფერება, რომ ეს თვალში კრემლებსა მეგრის.

— მე ვხედავ ამას, ჩემო საბრალო ბავშვო! თქვენ არ შეგიძლიათ უეცრად შეეჩვიოთ ამ ახალ ცხოვრებას. მე ვხედავ — თქვენ მადაც დაგეკარგათ, და ეს ხომ უკანასკნელი საქმეა. ტყუილად ნუ იტანჯებით: ყველაფერი ეს იმათი პატარა



შვილის ბრალია; ისინი იმდენს ზრუნავენ იმისათვის, რომ სხვა რამეზე ფიქრიც აღარ შეუძლიათ.

— არა, ეს ასე არ არის, ბატონო სახლთუხუცესო. აბა, — ბავშვმა მწარედ ამოიოხრა და ხელ-ახლად ცრემლები გადმოსკდა, — ახლა მე ისევ ჩემს ოთახში წავალ. ღამე მშვიდობისა, ღამე მშვიდობისა! — ის ცოტა შესდგა, კარი მოსწია, უეცრად ისევ უკან, ბასეტისაკენ, მიიხედა და თითქმის ვედრებით წარმოსთქვა: — მე მინდა... მე მინდა ხელი ჩამოგართვათ, ბატონო სახლთუხუცესო!

— ოჰ, ღმერთმა დაგლოცოთ! დიდი სიამოვნებით, ჩემო ძვირფასო ბავშვო. — და ბასეტმა ისე მოუჭირა ბავშვს ხელი, რომ იმას ცრემლები ღიმილმა გაუშუქა.

— თქვენ... თქვენ არ დამივიწყებთ?

— თქვენი დავიწყება? რას ამბობთ? როგორ შემიძლია თქვენი დავიწყება, როდესაც ყოველ დღე გხედავთ!

— ხომ გამომესარჩლებით, როდესაც აქ არ ვიქნები, როდესაც წავალ აქიდან? თქვენ გამომესარჩლებით? თქვენ ხომ იტყვიან, რომ მე არ ვყოფილვარ საძაგელი ლაწირაკი?

— რასაკვირველია, ბატონო ფილიპე, ყოველთვის დაგიცავთ, სანამ პირში სული მიდგია!

— დიდად გმადლობთ! ღამე მშვიდობისა! გმადლობთ ნამცხვრებისა და კამფეტებისათვის! — სიყვარულითა და მწუხარებით აღსავსე თვალებით კიდევ ერთი შეხედა ფილიპემ და გარედ გავარდა.

ფილიპე რომ წავიდა, ბასეტი დიდხანს გაუნძრევლად იდგა. მას დაავიწყდა, რომ ხელში კოვზები ეჭირა. ბოლოს ჩაილაპარაკა: რა საძაგლობაა ბავშვის ასე დავიწყება. ვინ იცის რა ხდება ეხლა მის გულში! ისეთნაირად შემომხედა, რომ ამ ხნის კაცი კინაღამ ამბლავდა... ვეცდები ხვალ გავამხიარულო როგორმე.

შევიდა თუ არა თავის ოთახში ფილიპე, ერთი მიიხედ-მოიხედა, კარები გააღო და დააყურა. ყველანი დაბლა სართულ-

ში სტუმრებთან იყვნენ, დრო-გამოშვებით სიცილი ღ ნაწვეტ-
ნაწვეტი ლაპარაკი ისმოდა. სჩანს იქ ყველა ლაპარაკშია
გართული და იმაზე არაფერს ფიქრობს. ცოტა ხანს ღრმად
ჩაფიქრდა, შემდეგ ტანისამოსის შკაფი გამოაღო და იქიდან
„შვილების“ მოყვითალო აბრეშუმის ხელსახოცი გამოიღო.
ამ ხელსახოცსა და ერთ შალში, რომელსაც ცივ დარში ყელ-
ზედ იხვევდა, მან მაგრად შეჭხვია გალია, შემდეგ იღო პატა-
რა ბოხჩა, რომელიც Madame ეინსვორტმა წიგნებისათვის
მისცა და თაროდან გადმოიღო ქალაღის კოლოფში შენახული
ღვას ნაჩუქარი, სამგლოვიარო კრებით შეკრული გვირაჯინი.
ყველა ეს გულდაგულ ქალაღში შეახვია და ტომარაში ჩას-
დო. მაგიდაზედ იდვა ტუანეტას ნაჩუქარი დაბადების წიგნი
და ლოცვანი; ისინიც ტომარაში ჩასდო. ამის შემდეგ თავისი
საფულე ყუთი გახსნა და ფული რამოდენიმეჯერ დათვალა. რომ
ეგონა, იმაზე ნაკლები აღმოჩნდა. თუმც ლილიბელს ძალზე
შეესუსტებია მისი თანხა, მაინც ეს ფული და ბასეტის მოცე-
მული კამფეტების პარკიც სხვა თავის სიმდიდრეს შეუერთა.
ტომარაში ამოაჩჩია ძველი ტანისამოსი, ძველი ფეხსაცმელი
და ქუდი და ცოტა ქურჭზე დაფიქრდა. ქურჭი ისეთი თბილია;
მაგრამ არა—ქურჭი ძალიან ძვირად ჰღირს და არ უნდა წაი-
ღოს. ქურჭი თავის ალაგას დაჰკიდა, ჩამოიღო უბრალო მო-
ლე პალტო. თუმც ქურქსავეთ თბილი არ არის, მაგრამ ესეც
სქელი და თბილია.

ტანთ ჩაიცვა თუ არა ფილიპემ, კარი გააღო და ერთი
კიდევ დააყურა. ეხოში მიმავალ კიბეზე არაფერს არ იყო.
დარწმუნდა, რომ შეიძლება შეუმჩნევლად გასვლა; ერთ ხელში
შვილები დაიჭირა, მეორეში—ბოხჩა;—ეს იყო მისი განძი, მთე-
ლი მისი სიმდიდრე. ფრთხილად, სულ-განაბული, ავაზაკსა-
ვით დაეშვა ძირს კიბეზე და შეუმჩნევლად ქუჩაში გავიდა.

დაღამდა. მარტის დამდეგი იყო და ცუდი, თოვლ-ქყაპი-
ანი; ცივი დარი იდგა. ფილიპე სიცივისაგან კანკალებდა და
ახელებდა. ერთ წუთს შეჩერდა ბოლოს ერთი ნაღვლია-

ნად კიდევ გადახედა მდიდრულ სასახლეს და თავის ერთგულ თანამგზავრ მამა ეოზეფის „შვილებიანად“ ბნელში მიი-
 მალა.

XXVII

დაცლილი ოთახი

ფილიპეს გაპარვის შემდეგ მეორე დღეს Madame ეინ-
 სვორტი და მისი რძალი საუზმეს მიირთმევდნენ. ორივე
 მოწყენილნი იყვნენ. საუზმე თითქმის გაეთავებიათ. ქალბა-
 ტონმა ეინსვორტმა ფილიპეს ცარიელ სკამს გადახედა და
 მხოლოდ ახლა შენიშნა, რომ ბავშვი იქ არ იყო.

— სად არის ფილიპე? — იკითხა მან. — ის ყოველთვის
 თავის ღროზე მოდიოდა. ავად ხომ არ არის?

— თუ მიბრძანებთ, — შენიშნა ბასეტმა აკანკალებული
 ხმით, — ახლავე შეეიტყობ.

— ჰო, ნახეთ! — ცივად უბრძანა Madame ეინსვორტმა. —
 უთხარით, რომ ახლავე აქ მოვიდეს, რომ ჩვენ საუზმე კიდევ
 გავათავეთ.

— ის არას ღროს არ იგვიანებდა, — ესარჩლებოდა ფილი-
 პეს ქალბატონი ეინსვორტი, — ყოველთვის ჩვენზე წინ ჩამო-
 დიოდა დაბლა. ეს რამოდენიმე დღეა ახველებს: შეიძლება
 ავად არის! უსათუოდ ექიმს უნდა მოველაპარაკო. უნდა გა-
 მოვეტყდე, რომ ამ ბოლო ღროს ყურადღებას აღარ ვაქცევ.

— შეიძლება გაცვივდა, — გულგრილად დაეთანხმა Madame
 ეინსვორტი. — მე მისი ჯანმრთელობა კი არ მაწუხებს...

— მაშ რა? ჩაიღინა კიდევ რამე? — ჰკითხა შეწყუბებულმა
 ქალბატონმა ეინსვორტმა. — იმედი მაქვს, რომ ცუდი არაფერი
 ჩაუდენია.

სანამ დედამთილი პასუხს მისცემდა, ოთახში აქლოშინე-
 ბული ბასეტი შემოვიდა.

— ოთახი ცარიელია, — სთქვა მან. — ბატონი ფილიპე გაჰქრა?

მოხუცი გაფითრებული იყო და კანკალებდა. მისმა უცნაურმა საქციელმა ქალბატონი ეინსვორტი შეაშფოთა.

— გაჰქრა! — წამოიძახა მან და აღვილიდან წამოხტა. — ამით რა გინდათ სთქვათ? როგორ გაჰქრა?

— არ ვიცი, სად წავიდა საბრალო ბავშვი! — უბასუბა ხმა-დაკარგულმა ბასეტმა. — ვიცი მხოლოდ, რომ ოთახი ცარიელია და რომ ღამე მას თავის ლოგინში არ სძინებია. ის ნამდვილად წუხელის წასულა.

— როგორ! მთელი ღამე შინ არ ყოფილა? წავიდა მარტოდ-მარტო, ამისთანა ცივსა და ბნელ ღამეში? ვინ რცის — რა შეემთხვეოდა, — კენესით წარშოსთქვა გაფითრებულმა და აკანკალებულმა ქალბატონმა ეინსვორტმა.

— მე მგონია, რომ ბატონი ფილიპე სამუდამოდ წავიდა აქედან, რადგანაც თავისი პატარა თავგები გალიით თან წაუღია.

— გაიქცა? მეც სწორედ მაგას მოველოდი მისგან! — წამოიძახა Madame ეინსვორტმა. — ის ისე აღელვებული იყო, რომ იქვე მდგომი ბასეტი დაავიწყდა.

— გვევდრებით — ნუ ამტყუნებთ, სანამ შევიტყობდეთ საქმე რაშია, — იცავდა ფილიპეს ქალბატონი ეინსვორტი. — არ დაეიჯერებ, რომ ის თავის ნებით წასულიყოს: ისე უყვარდით და ისე კმაყოფილი და ბედნიერი იყო.

— მომიტევეთ, ქალბატონო, — მტკიცე ხმით გააწყვეტინა ბასეტმა: — ნება მიბოძეთ მოგახსენოთ, რომ ბატონი ფილიპე ამ უკანასკნელ დრო არ იყო ბედნიერი. მე არ ვიცი, მის პატარა გულში რა ხდებოდა, მაგრამ ახლა, როდესაც უფრო უკვირდები, მგონია, რომ მას რალაც არა-სასიამოვნო ამბავი შეემთხვა. წუხელის ის ჩემს ოთახში შემოვიდა და მთხოვა, — გამომესარჩლე. როდესაც აქ აღარ ვიქნებო.

— მაშ თქვენ ეს იცოდით, — მკვახედ გააწყვეტინა Madame ეინსვორტმა, — და არაფერი სთქვით?

— არა, მე არაფერიც არ ვიცოდი, ქალბატონო, მე მეგონა, რომ ბავშვი ავად იყო და აბოდებდა. ვცდილობდი, როგორც შემეძლო, მის დამშვიდებას. შემდეგ გამომემშვიდობა და ატირდა.

— შეიძლება კიდევ სთქვა რამე? შეიძლება სთქვა, სად აპირებდა წასვლას? — ეკითხებოდა შეწუხებული ქალბატონი ეინსვორტი.

— ერთი სიტყვაც არ უთქვამს, ქალბატონო; რომ წასვლას აპირებს.

— ოჰ, რა დამნაშავე ვარ! ეს ჩემი ბრალია! — თავგანწირულებით წამოიძახა ქალბატონმა ეინსვორტმა. — რაც ჩემი ბაწია გაიჩნდა, სულ მივატოვე საბრალო ბავშვი. თუმცა ეს არ მინდოდა, მაგრამ ასე კი მოხდა: მე ხელი ვკარ იმას. რა ვქნა, როგორ ვიპოვო ახლა? — ქალბატონმა ეინსვორტმა ვედრებით დედამთილს შეხედა.

— ნუ სულელობთ, ლაურა! ამისთანა ბავშვისათვის ამდენი თავის შეწუხება არ ღირს, — ცივად ჩაილაპარაკა Madame ეინსვორტმა. უმადურ ბავშვს თქვენი გულკეთილობა მოსწყინდა და თავის ძველ ცხოვრებას დაუბრუნდა. ერთი სიტყვით — ის გაიპარა გუშინ ისევ იმ ზანგის ბიჭთან ვნახე. ალბად გაპარვანთ თათბირობდნენ, და, თუ გაიხსენებ, სალამოსაც სინიღისი არ ჰქონდა წმინდა. ადამიანს თვალს ვერ უსწორებდა.

— მახსოვს, აღელვებული იყო, მაგრამ ვერ ვიტყვი, რომ დამნაშავეს სახე ჰქონდა. არ მესმის, ვერც-კი წარმომიდგენია ჩემთვის ერთი სიტყვის უთქმელად მისი წასვლა. ოჰ! ნეტაკი ელუარდი აქ იყოს! არ ვიცი — რა ვქნა, საით ვეძებო! — სასოწარკვეთილებით ამბობდა ქალბატონი ეინსვორტი.

— თქვენ არ შეგინიშნაეთ, ბასეტ, ბავშვს ყველა თავისი ნივთები წაუღია? — ეკითხებოდა Madame ეინსვორტი.



— შემძლია მოვახსენოთ, ქალბატონო, რომ რაც ვცევა, იმის ამარა წავიდა. მე შევიხედე მის ტანისამოსების შუაფში: ის გატენილია; მისი ქურჭიკი იქ არის.

— შეგიძლიათ არხეინად იყოთ: იგი დაბრუნდება ის აღბად თავის მშვიერ მეგობრებში დაეხეტება, და როცა მო-
შივდება და მოიქანცება, შინ დაბრუნდება.

— არა, რამე უნდა ვიღონო, — იმეორებდა ქალბატონი ეინსვორტი. — ამას ასე ვერ დავტოვებ და ვერ უტდი, სანამ ის თავის თავად დაბრუნდება.

მე ექვი მაქვს, გულგრილად განაგრძობდა Madame ეინსვორტი, — რომ წაღების მწმენდავმა და იმ ზანგის ბიქმა შეაგულიანეს თავგების წარმოდგენა ვაემართა. აღბად რა და რა სისულელე არ უთხრეს. ყოველ შემთხვევაში გირჩევნიათ რამდენიმე დღე მოითმინოთ. ახმაურება და მეზობლების აყაყანება არ ღირს; სისულელეც იქნებოდა აჩქარება, რაკი ნამდვილად ვიცით, რომ ის, როგორც ზანგის ბიქს სწევია, ჩქარა მშვიერი და ტალახში მოსვრილი დაბრუნდება.

— ნეტავი მართლაც აგრე იქნებოდეს. რას არ მივსცემდი, რომ უვნებლად და ჯანმრთელად ვნახავდე, — ამბობდა შეწუხებული ქალბატონი ეინსვორტი.

ბასეტი, საშინლად დაღვრემილი, ალაგებდა მაგიდას. გაახსენდა ბავშვის გუშინდელი ქცევა და მიხედა, რომ იგი მას სამუდამოდ გამოეთხოვა. საყვარელი ბავშვი, ისეთი უბედური იყო, რომ მეტი ვეღარ იტანა, — ფიქრობდა ბასეტი. მან წაიღო გალია პატარა მხეცებით და ღამე მარტოდ-მარტო წავიდა. რა მოელის სუსტ ბავშვს ცხოვრებაში?

გავიდა რამდენიმე დღე. ფილიპე არ დაბრუნდა და არც არაფერი ისმოდა მისი. გამოჰკითხეს წაღების მწმენდავს ლილიბელის ამბავი, მაგრამ იმან არაფერი არ იცოდა. პატარა ზანგის ბიქიკ გაჰქრა. იქვი არ იყო — ფილიპე და ის ერთად წავიდნენ.

— ოთახის გულდასმით დათვალიერების შემდეგ ქალბატონი ეინსვორტი დარწმუნდა, რომ ფილიპე დაბრუნებას აღარ აპირებდა. ოთახში აღარ იყო სამკლოვიარო გვირგვინი, დაბადებისა და ლოცვანი. ცხადი იყო, რომ მან წაიღო თავისი საყვარელი ნივთები და სამუდამოდ წავიდა... მიუხედავად Madame ეინსვორტის რჩევისა, მან გადასწყვიტა ეს საქმე ასე არ დაეტოვებია. რაკი რამოდენიმე დღის შემდეგაც ვერაფერი გაიგეს, მან ქმარს წერილი მისწერა და რჩევას სთხოვდა. იმავ დროს მამებარი პოლიციის მოხელე მოიწვია ბავშვის მოსაძებნად. სინიღისი ჰქენჯნიდა და ამხილებდა. როცა გაახსენდებოდა, როგორ უყურადღებოდ იყო საბრალო ბავშვი მიტოვებული.

„ეს ჩემი ბრაღია!“ — ფიქრობდა ბასეტი. — „ის ისეთი კარგი ბავშვი იყო, ისეთი აზრიანი, ისეთი კეთილშობილი, რომ მისი დაყენება კეთილ გზაზე არ გამიძნელებოდა“.

„ის ბედნიერი და კმაყოფილი იქნებოდა, მე რომ არ მიმეტოვებინა, ჩემ ვალდებულობაზე ხელი რომ არ ამეღო. თუ რავე შეგმთხვა, თუ დაიღუპა, მარტო მე ვიქნები პასუხის მკებელი“.

XXVIII

მამა ჟოზეფი წერილებს გზავნის

ახალი მექსიკის შთა-გორიან ადგილებში მძიმე და ხანგრძლივი მოგზაურობის შემდეგ მამა ჟოზეფი პატარა სან მიგუელის მისიაში დაბრუნდა. იქ წმ. მარიაშის ეკლესიის ღვდლის მამა მარტინის მიერ რამდენიმე თვის წინად გამოგზავნილი წერილი დახვდა. მამა მარტინი ატყობინებდა, რომ ტუანეტა გარდაიცვალა და ფილიპე სამხრეთიდან მოსულმა მხატვარმა და იმისმა ცოლმა იშვილესო. წერილის წაკითხვის-თანავე მამა ჟოზეფმა წერილი გაუგზავნა მამა მარტინს: სთ-

ხოვთა საჩქაროდ გამოევზავინა მიბარებული ქაღალდები სა-
ნამ ქაღალდები მოვიდოდა, მაშა ეოზეფს სხვა უფრო ხნ-
გრძლივი და უფრო პასუხსაგებო საქმე მიანდევს და თავ-
ის მისიაში ის მხოლოდ შემდეგ სამთარში დაბრუნდა. წერილი
ქაღალდებით დიდი ხანია უცდიდა მას.

ერთ საღამოს დალილილ-დაქანცულმა მაშა ეოზეფმა დიდი
წერილი გახსნა. ზედ ძლივს გასაგები ხელით იყო მისამართი
წარწერილი. კონვერტიდან რამოდენიმე ქაღალდი და წერი-
ლი გამოვარდა. პირველი წერილი ტუანეტას ხელმოწერილი
იყო, და მაშა ეოზეფი იმის კოხხვას შეუღდა:

„ძვირფასო მაშა ეოზეფ, ექიმმა სთქვა, რომ შე კულის ფრია-
ლი მქვს და შესაძლებელია უცრად ჩემი სიკვდილი: აი რისთვის
გწერთ ამ წერილს და გაგზავნით შესანახად ამ ქაღალდებს, რომე-
ლიც თქვენ ჩემი სიკვდილის შემდეგ უნდა გახსნათ. მე მინდა, რომ
ჩემი სიკვდილის შემდეგ გამოირკვეს ვველაფერი ჩემი ბავშვის შე-
სახებ. ამ წერილიდან ვველაფერს შეიტყობთ.

„თქვენ იტყვით, რომ მე დიდი ხანია უნდა შეთქვა თქვენთვის
ველაფერი, — მაგრამ არ შემეძლო. არ შემეძლო ჩემი ბავშვის მო-
ცილები, თუმც ვიცი, რომ ჩემი ვაღი იყო ვველაფერი თქვენთვის
კამეშხილა.

„უნდა თავიდან დავიწყო და ვველაფერი კარგვევით გაიხსნათ.
მე გავიზარდე დეტრავის ოჯახში. უფროდი იმით და ძალიან პატივს
მცემდნენ. მასწავლეს ინგლისურად და ფრანგულად ლაზარაკი წერა-
კითხვა, ქარგვა და ხეებისა და უვავილიბის მოვლა-მოშენება. როდესაც
საჯ ჩემი ქალბატონი ესტუდლა დაიბადა, ოცდა ათის წლისა ვიყავი.
ბავშვი მე ჩამბარეს. ის იმ დღიდან ჩემი იყო და მე მას ვვეუთვნო-
დი. სოცრად ლამაზი და შესანიშნავი გულის ქალი გაიზარდა. მე
უვლიდი და მთელ ქვეყნას მერჩია. როდესაც ომი დაიწყო და მისი
მშობლები დაიდუნენ, ის კიდევ უფრო შემეთვისა. მძიმე იყო იმ
დროს ცხოვრება: ვველა თავისთვის ზრუნავდა და ვის ევალა ვველა-
სიკან შატოვებულ ობლისათვის. მე ვეხევიდი მას და გულს უმა-



გრები, როდესაც ის უამბობას კდღედა. ის იყო ჩემი სული და გული, და შენ უწვდიდი მას, როგორც თვალს ჩინს.

„ჩვენი ზღანტაგის ახლას მოკავშირეთა ბანაკი იყო. რაზმის ახალგაზდა კაპიტანი ძლიერ კარგად გვეჭყრობდა. მას ებრაულებოდა ჩემი ზატარა ქალბატონი და შეძლებისდაგვარად სცდილობდა, რომ ჩვენ უზრუნველი ცხოვრება გვეჩინოდა. ის ისეთი კეთილი და სუფარული ადამიანი იყო, რომ ჩვენ შევეუფარეთ და ვველაფერში ვენდობოდით. თქვენ გეცოდინებთ, როგორი სულიერი განწყობილება იყო მაშინ და როგორ საიდუმლოდ უნდა დაცულიყო ვველაფერი. კარგად ვხედავდი, რაც ხდებოდა ახალგაზდებს შორის, მაგრამ არ ვიცნობდი, როგორი ბოლო ექნებოდა ამას ჩემი ბავშვისთვის. და აი ერთ სდამის იმით ფარულად ჯვარი დაიწერეს ახალ-მოსულ ფრანკის მდედელთან. ის ჩვენ მრველში გამოგტყავნათ ჩვენი დედლის მაგურათ, რომელიც მოკავშირეთა რაზმებს გაჭევა. მამაო ვოხეფ, დედედა, რომელმაც ახალგაზრდებს გვირგვინი შეუცვალა, თქვენ იყავით.“

მამა ეოზეფმა წერლის კითხვის ოვალეში მოაშორა და ჩაფიქრდა.

— ჰო,—სთქვა მან ბოლოს,—ახლა მაგონდება. ეს მაშინ მოხდა, როდესაც მე ივანე ნათლისმცემლის მრველში ვიყავი დანიშნული. მე პატარა ეკლესიაში ვიყავი ღამე, როდესაც ჩემთან ვიღაც ახალგაზრდები მოვიდნენ მთხოვეს ჯვარი დამეწერა, და მეც უარი ვერ უთხარი: არეულობა იყო და საკვირველი საქმენი ხდებოდა მაშინ. ახლაც მაგონდება: გაფითრებული ახალგაზრდა ქალი და ახალგაზრდა მოკავშირე ჯარის აფიცერი... თუმც მფუცნაურა ეს ჯვრის წერა, მე მაინც გვირგვინი უკურთხე. აი ეს მოწმობაც, რომელიც მე მაშინ იმით მივეცა!.. ამ ფიქრებში იმან ქალღვრილი გაშალა და ზედ თავის ხელწერილს დახედა. შემდეგ ისევ ტუანეტას წერილის კითხვას შეუდგა.

„ახლა, როდესაც ვედა ეს კიამბეთ, შეიძლება გაგახსენდეთ, ეს მოხდა შემდეგ. ერთი წლის შემდეგ თქვენ მონათლეთ იმითი

მშენებელი ბავშვი და როდესაც ბავშვი სულ ორი თვის იყო, მისი მისი ერთ შეტაკებაში მოტყუეს და ჩემმა ქალბატონმა, ბავშვითა და გადიით, ქალაქში თავის სხლს მიაშურა, რომელიც, როგორც გემისსურებათ, იმავე დამეს დაიწვა. ეკონათ, რომ სამხივე რეცხლში დაიღუნენ, მაგრამ დაიღუნა მართა ახალგაზდა დედა. ბავშვი და გადია კი გადარჩნენ. მე ვიყავი ის გადია და ფილიპე—ის ბავშვი. რეცხლის გაჩენის დროს ბავშვს ჩემ მუხლებზედ ეძინა. მე წავიყვანე ის უშიშარ ალაგას და დავბრუნდი ჩემი ძვირფასი ქალბატონის სძველად, მაგრამ გვიანი იყო... მე ის ვეღარ ვხეხე... გავიგე თუ არა, რომ გამღელი და ბავშვი რეცხლში დაღუნულნი ჰკონათი, დავუღე ბავშვს ხელი და შეუშნეველათ ქალაქის განაზრას ერთ ჩემ შეკობარს მივაშურე. შეკობარმა შიგვიღო და ჩვენი საიდუმლო არავისთვის გაუშვალა. მისნიხლის სიკვდილის შემდეგ ასევე დეტრავას სხლში დავბრუნდი, მინდოდა ბავშვი თავის საკუთარ სხლში აღზრდილიყო; თემცა მინ არ იცოდა, რომ ეს მისი ქონებაა, მაგრამ მე ხომ ვიცოდი, რომ როდისმე ის მისი იქნება.

ხომ გასსიკეთ, როგორ შეგრად და დაწვრილებით გამოშვითხეთ ბავშვის მშობლების ამაგი, როდესაც მე ფილიპე თქვენთან ზარკულად მოვიყვანე? თქვენ მე ვერ შეცნით. ფიქრადაც არ მოგსულიათ, რომ ის ესტყლას დეტრავას და მოკავშირე ვარების ახალგაზდა აფიცრის შეიღია.

..თქვენ გიკვირთ—ამდენ ხანს რატომ ვფარავდი სამართლებს? მე ავიხსნით. ბავშვი მივეარდა; ის იმ თვახის უკანასკნელი ჩამომავალი იყო, და მე შეგონა, რომ ის ჩემია და რომ მისი დაკარგვა მე ბოლოს მომიღებს; მაგრამ თავი და თავი მიიხეზი ის იყო, რომ მე შეეფიცე ჩემს ქალბატონს, რომ მისი სიკვდილის შემდეგ ბავშვს არ მოკავშირდება. გასკვირა არ არის, რომ მას არ უნდოდა ბავშვი სძხრეთში აღზრდილიყო. კარგად იცოდა, რომ ქმარს თავისიანებისთვის არ შეუტყობანება ცოლის შერთვის ამაგი, რადგანაც სძხრეთ და ჩრდილოეთ ქვეყნებს შორის შეურაცხებელი მტრობა იყო ჩამოვარდნილი. ჩემი ქალბატონი კი ამისთანაობაში ამახრტავნა და მიუკარებელი იყო და არა-ერთხელ ჩამოურთმევი ჩემთვის ზარობა, რომ



მისი და მისი ქმრის სიკვდილის შემდეგ დაუმალავ ბავშვს. მათი შიშობა და თავისი ზატრონობა თვითონ შექმნება. საიდუმლო კიდევ იმით ვერ გავაშხილავ, რომ ბავშვი მამის ნათესავებს შექმნილი თავისთან სამხრეთში წაუყვანათ და. მე დამაშინებდნენ. ისინი ბავშვს ვერ იცნობდნენ და შეიძლება არც კი შექვევარებოდათ. ჩემთვის კი ის ცხოვრების ურთად ერთი სუნუკი იყო. არა, მე არ შემიძლო მისი დათმობა! მე შეკონა, რომ ამის მხოლოდ მამის შექმნა იყო, როცა იგი წამოიზრდებოდა. მაგრამ წლები მიდიოდა, და ვერ დაესთმე, და ვერც დავსთმობ, სული სანამ ზირში მიადგა...

„უნდა გავათავო. წერა მეტის მეტად მუძნელება. კალამს ძლიერ ვერ ვევი. მთელ დღეებს ვანდობე და დამეებს ვათენებ ამ აღსარებაზე: მინდა უკვლავური ნათესაობა...“

როდესაც ცეცხლის შემდეგ მოთქმა-მოთქმა მიხედა, მე დავბრუნდი თურულად ზღაპრულად და მოვსძებნე ჩემი ქალბატონის ქალადები, რომლებიც საბედნიეროდ გაქცევის დროს სინჯარეში იქ დაქვეყნებოდა, თორემ ისიც ცეცხლში დაიღუპებოდა. უკვლავ ქალადები ამ კონკრეტშია: — თქვენი მოცემული ჯვრისწერის მოწმობა და ჩემ ქალბატონთან ახალგაზრდა აფიგრის მიერ მოწერილი წერილებიც. თქვენ ნახვით აგრეთვე გაუხსნელ წერილს, ახალგაზრდა კაცი-სიგან თავის დედასთან მიხსწერს. ეს წერილი მან ჩემ ქალბატონს მისცა შემდეგი ზირობით: თუ მას რაშე შეემთხვეოდა, წერილი დედისათვის უნდა გაეგზავნა. ჩემის აზრით ამ წერილით ის ატყობინებს დედას თავის ჯვრის წერას და სთხოვს იზრუნოს მისი ცოლისა და შვილისათვის... მაგრამ ჩემს ანგელოზს აღარ სჭირდება არავითარი ზრუნვა: ის წავიდა იქ, სადაც რამდენიმე დღით წინ მისი სუკურული ქმარი წავიდა. დარჩა მხოლოდ ბავშვი, რომელიც ჩემი სიკვდილის შემდეგ მამა მისის შიშობებს უნდა გადაეცეს. შეიძლება არ იყოს კარგი ახლა მისი აქ გაჩერება, მაგრამ ის ჯერ კიდევ ზატრონა და ძლიან შემეჩნია. მე მისთვის თავს არ ვზოგავდი: ვასწავლიდი მხოლოდ სიკეთეს. ვერაფერც ცუდს ვერ იტყვის ჩემ ფილიანზე. მე ვვრძობ, მამაო თოხუკ, რომ ამ წერილის კითხვის დროს ის მარტოდ-მარტო დარჩება ამ წუთისათვის. მისი დედალო, რომე-



დღი ისე უყვარდა და ისე უკანებდა კვლავურს, მალე მომთრდება ამ ქვეყანას. შეაუვარებით თქვენ იმას, ანუკეშეთ და იზრუნებთ მისთვის? ის ასე უბედურა იქნება უნემოდ! ეს ქადაღდება და წერილები, რასაკვირველია, მის ბუბიას უნდა გავუზახნოს. არა მკონია მან ასე შეაუვაროს ჩემი ფილიპე, როგორც მე შეაუვარდა. გვეკვდრებათ, მამია უოზუე, იზრუნეთ მისთვის! მე იმას თქვენ განდობთ.—თუ მე ცუდით მოვაქეცი, მომიტყვეთ, რომ დავმალე იგი, და დმერის შემავდრეთ!“

ტუანება

წერილის წაკითხვის შემდეგ მამა ეოზუფმა მოიწმინდა თავის გამხდარ სახეზედ უნებლიედ ჩამოგორებული კრემლი და ხელახლა კითხვას შეუდგა: გულდასმით გადაათვალიერა ყველა ქადაღდები, დასწერა თავის მზრიავაც რამოდენიმე სიტყვა წერილის ასახსნელად და ახალ კონფერტში ჩასდო, რომელზედაც Madame ეინსვორტის მისამართი დააწერა.

XXIX

პატარა მგზავრები

როდესაც ფილიპე ამ მარტის კივ დილას შვილებით და თავისი ძვირფასი ბოხჩით ქუჩაში გაჩნდა, მისი პირველი საზრუნავი იყო აქაურობას გასკლოდა და მეორე—ახალ ორლოვანში მისულრიყო. პირველი არ იყო ძნელი, მეორე კი დიდ მოფიქრებას ითხოვდა, რადგანაც ყველა გზა ახალ ორლოვანში როდი მიდის.

ლილიბელი პატარა ბოხჩით იქვე გზის ყურეში უცდიდა და სიცივისა და მღელღეარებისაგან კანკალებდა. ფილიპემ მისცა ფული საგზლის სასყიდლად, რაიცა შესდგებოდა კოტაოლენ ბანანებისა, ნამცხვრებისა, შემწვარ მარცვლებისა და თაფლისაგან.



— მაშ მზადა ხარ? — კითხა ფილიპემ, როდესაც ლილიბელმა საგზალი მოიტანა.

— დიახ, ოსტატო ფილიპე, მზათა ვარ: ყველაფერი ვიყიდევ; მაგრამ წავალთ აქედან, თუ მთელი ღამე ამ თავსება წვიმაში ვიქნებით?

— რასაკვირველია წავალთ, — უბასუხა ფილიპემ. — ჩვენ უნდა ვიპოვოთ, რომ ვავთბეთ. ახლა კი ფონისაკენ წავიდეთ. ამ სიტყვებით ის მდინარისაკენ გაეშურა; მას სიცივისაგან აცრემლებული ლილიბელი გაჰყვა.

ფილიპემ კარგად იცოდა, რომ ამ მგზავრობაში ბელადობა მას ეკუთვნოდა და რომ პასუხისმგებელიც საესებით თვითონ არის. ის ვარაუდობდა, როგორ მოქცეულიყო შემდეგში. პირველად საკირო იყო ქალაქიდან რაც შეიძლება ჩქარა გასვლა.

— პოლიციელი გზაში დაგვიკერს, — ამბობდა ქვითინით ლილიბელი. — დაქერილებს გამოგვაგზავნიან ისევ უკან, როგორც მაწანწალებს ჩაგვსვამენ ციხეში და არას დროს აღარ ვაგვანთავისუფლებენ!

ეს აზრი ფილიპესაც მოსვენებას არ აძლევდა, თუმც არ იცოდა — რა მოვლით იმათ გზაში, მაგრამ სახლში დაბრუნება კი არაფრის გულისათვის არ სურდა; ამიტომ ჩქარა გაეშურა ფონისაკენ. მას არც სციოდა და არც დასვენებულა. სქელი პალტო იფარავდა წვიმისაგან და გულს იმედი უთბობდა. როდესაც ნავთსადგურში მივიდნენ და ლილიბელმა წყლის ტალღებში მოქანაფე გემი დაინახა, შეშინებული უკან გადაბრუნდა:

— არაფრის გულისთვის აღარ ვივლი გემით: მე ფეხით წავალ.

— ჰო, მაგრამ ჯერ მდინარეზე უნდა გადავიდეთ. ჩქარა ჩავედეთ, თორემ გემი მიდის. შენ თუ არ წამოხვალ, მე მარტო წავალ, — დაემუქრა ფილიპე.

— არ წაეღა, — ქვეითინებდა ლილიბელი, მაშინაც კი, როცა ფილიპემ ბილეთები იყიდა და ხელის კვრით ძლივს აიყვანა ლილიბელი გემზე და შეუმჩნეველად ხალხში გაერა.

გალმა რომ გავიდნენ, ფილიპემ ნაბიჯს უკლო. მგზავრობის შესახებ თავში სერიოზული აზრები დაებადა, რაც მის წლოვანებას არ შეეფერებოდა. კარგად ესმოდა, რომ არ შეიძლება ხალხში ისეთი შეკითხვა, რომლითაც შეუძლიათ მის კვალს მიაგნონ. ის ძლიერ ფრთხილად უნდა მოიქცეს, თორემ შეიძლება გზიდან დააბრუნონ. გადასწყვეტა არავისთვის იმისთანა შეკითხვით არ მიემართა, რომ ადამიანის გულში რაიმე ეჭვი გამოეწვია. ფილიპეს მხოლოდ ორი ქალაქის სახელი ახსოვდა, სადაც სამხრეთში მგზავრობის დროს მისმა დედობილ-მამობილმა გამოატარეს. ერთი იყო — ქალაქი ჩატანუგა. იქ იმათ დაათვალიერეს საყარაულო გორა, „ღრუბლებში ბრძოლის“ ალაგი; მეორე — ვაშინგტონი იყო, რომლის შესახებაც ქ. ეინსვორტმა უთხრა — ეს სატახტო ქალაქიაო. თუკი ნიუიორკისკენ მგზავრობის დროს ეს ქალაქები გამოიარეს, დაბრუნებისასაც ამ ქალაქებში უნდა გაიარონ; ამიტომ მან გადასწყვეტა ვაშინგტონის გზა შეეტყო.

ფილიპეს ისე ხულიათა და გულით უნდოდა სამშობლოში დაბრუნება, ისეთი გამბედაობა დაებადა გულში, რომ აღარ აშინებდა ხანგრძლივი და მძიმე მოგზაურობა, შიმშილი, სიცივე; წყლები და ტყეები, რომელნიც უნდა გაეელოთ, სანამ თავის საყვარელ სამშობლოს მიაღწევდნენ.

ღამის კარგა ხანი იყო უკვე გასული, როცა ჩვენი პატარა მგზავრები ბრწყინვალე და ხმაურა ჯერსეი სიტის სრულებით მიყრუებულ განაპირა უბანში გაჩნდნენ. ლილიბელი ძლიერ დაიღალა და განაცხადა, რომ ერთ ნაბიჯსაც არ გადასდგამს, იქვე სახლის კიბეზე ჩამოჯდა და ნამცხვარი და დაშაქრული ხილით შენაყრდნენ. შემდეგ ლილიბელი კიბის ქვეშ ბურბუშელაში მიწვა და ჩქარა სიზმრის



სამეფოში ამოჰყო თავი, სადაც არ არის სიცივე, შიმშილი და დაღლილობა.

ცოტა ხანს ფილიპე წყნარად იჯდა და ვარსკვლავებს შესტკეროდა. იგი ჰფიქრობდა: „დედილო ხშირად მესაუბრებოდა ამ ვარსკვლავებზეო. აქაც ისე ახლოს სჩანან და ისე ბრწყინავენ, რომ ყოველად შეუძლებელია აქედან ახალ ორლენანამდის შორი გზა იყოს. აი, ეს ვარსკვლავი ყოველთვის დედილოს ბალის პირდაპირ იყო. ახლაც ისეთივეა, როგორიც იქ იყო, და იქაც და აქაც ერთსა და იმავე დროს აინთება ზოლმეო.“ ამ ძველ ნაცნობ ვარსკვლავთა გუნდის ნახვამ ბავშვის გულს სიამე მოჰფინა და გრძელი მგზავრობა გაუადვილა: უხაროდა, რომ ეს ვარსკვლავები მათი თანამგზავრები იქნებიან, და ამიტომ გზაც უფრო მოკლე ეჩვენა.

ჩქარა ბავშვმა სიცივე იგრძნო და თვალები დაუშპიდა. ის კიბის ქვეშ შეძვრა და მოიკალათა ლილიბელის გვერდით, რომელსაც ბურბუშელაში მოხერხებული ალაგი ეპოვნა; შუაზე „შვილები“ დასდგა, ბოხჩა სანოვაგით თავს ქვეშ ამოიღო და თითონაც ჩქარა გაჰყვა თავის შავკანიან თანამგზავრს საოცნებო სიზმრების სამეფოში.

გამოანათა თუ არა ცისკარმა, „შვილების“ წრიპინისაგან გაღვიძებული ფილიპე ლილიბელის ღვიძებას შეუდგა, რომელიც, ყოველ ექვს გარეშე იყო საღამომდის არ აპირობდა გაღვიძებას.

— როგორ, ოსტატო ფილიპე, განა ადგომის დროა?— თვალების ფშენეტით გულნაკლულად ბუტბუტებდა ის, იმ დროს, როცა ფილიპე რაც ძალი და ღონე ჰქონდა ანჯღრევდა მას.

— დროა, დრო! ადექი ჩქარა, ლილიბელ, და ისაუზმე! ჩვენ შეგვიძლია გავისწროთ, სანამ აქ მოვიდოდნენ.

ფილიპემ „შვილებს“ ცოტა მარცვალნი დაუყარა და თვითონაც ერთი ნამცეცა მშრალი ხილი შესქამა, მაშინ როდეს-



საც ლილიბელი სიამოვნებით შეექცეოდა ნამცხვრის უმცველებელ ნატებს. საუზმის შემდეგ გაიფერთხეს ბურბუშელა და მტვერი და გაუდგნენ თავის არა-სასიამოვნო გზას.



— ადექი ჩქარა, ლილიბულ!

ცივი და ღრუბლიანი დილა იყო. ფილიპეს თავი უბურდა და ფეხები ტყვიასავით დამძიმებოდა, მაგრამ სიჩქარე იყო საჭირო: არ შეიძლებოდა მგზავრობის დაწყების დროს სისუსტე და უილაჯობა. კარგა მანძილი რომ გაიარეს, ერთ სოფელში შევიდნენ და წყალი ითხოვეს. კეთილმა დიასაბლისამ თბილი პური კარაქით და თვითონ ფინჯანი ყავა შესთავაზა. ბავშვებმა ისაუზმეს, კარგ გუნებაზე დადგნენ და მზიარულად განაგრძეს გზა.



მთელი დღე არ დაუსვენიათ. ფილიპე ყოჩაღად მიდიოდა, ლილიბელი კი ძლივს მიათრევდა ფეხებს. ვაშინგტონის გზა იკითხეს. კითხვაზე ზოგი იცინოდა, ზოგი კი ეუბნებოდა, — ასე იარეთ, ნურსად გადაუხვევთ, და ერთ კვირაში იქ იქნებითო... ზოგი ამბობდა—არ ვიცით, სად არისო, ზოგიც—ქვეითად მოსიარულეთათვის ძლიერ შორს არის, და სჯობია რკინის გზით წასვლაო. ფილიპე ყველას მადლობას ეუბნებოდა და ისევ გზას განაგრძობდა. ეს პირველი დღე მის მთელ მის სიცოცხლეში უგრძეს დღედ ეჩვენა.

მეორე ღამემ სოფლის განაპირას პატარა რკინის გზის სადგურთან მოუსწრო.

ფილიპეს პირში არაფერი ჩასულა და ძლიერ მოშივდა. ლილიბელი კი მთელი დღის განმავლობაში ისე გულმოდგინედ ილუკმებოდა, რომ მათ ბოხჩაში შემწვარი მარცვლების გარდა აღარაფერი დარჩა; ამ ხმელ შექვიამდზე კი ფილიპეს გული არ მისდიოდა. როდესაც სადგურთან მივიდნენ, საქონლის მატარებელი წასასვლელად მზად იყო და მხოლოდ ორთქლმავალს უცდიდა.

ორი პუშა სამზარეულო ქვაბს უსხდნენ და ვახშობდნენ. ფილიპემ ვავლის ღროს ხარბი თვალით გადახედა; მუშების წინ ყავით სავსე ქვაბს ოხშივარი ასდიოდა. დაღლილ ბავშვს ძალიან მოუნდა ეს გემრიელი სასმელი, მაგრამ არ უყვარდა უსასყიდლოდ სხვისი პატივისცემით სარგებლობა; ჯიბიდან ფული ამოიღო და ზრდილობიანად ითხოვა მისთვის კოტა ყავა მიეყიდნათ.

მუშებს გაეცინათ:

— აი, შე პატარა კაცო, ჩვენ აქ საყავე როდი გავგიხსნია: შეგვიძლია ყავა მუქთად გავიზიაროთო.

ამ სიტყვებით ბავშვს დიდი თუნუქის თასით ყავა მიაწოდეს. ყავა მავარი და ტკბილი იყო, და თუმცა „მოკო“ არ იყო, ფილიპეს ისე ეჩვენა, თითქო თავის დღეში ამის-

თანა გემრიელი ყავა არ დაელიოს; სიამოვნებით დალია ნახევარი თასი და დანარჩენი ლილიბელს გადასცა.

პატარა ზანგი ისეთი ხარბი თვალებით მისჩერებოდა პურსა და შაშხს, რომ მუშებმა ამას ყურადღება მიაქციეს და თავის ვახშმიდან ერთი ნაწილი ბავშვებს უთავაზეს; ბავშვებმა ჩქარა და ხარბად, ღიდის ალტაცებით შესჭამეს. შიმშილი საკმელს საუკეთესო გემოს შესძენს ხოლმე. ფილიპემ ისე მადიანად ივახშმა, როგორც ჩრასოდეს არ უვახშმია Madame ეინსვორტის დიდებულად მორთულ-მოკაზმულ სასადილოში. ვახშმის შემდეგ ფილიპემ მიღლობა გადაუხადა და ისევ სამგზავროდ მოემზადა.

— საით მიდიხარ, ბავშვებო? — ჰკითხა ერთმა მუშამ.

— ჩვენ ვაშინგტონში მივდივართ, — დაუფიქრებლად უპასუხა ფილიპემ.

— ვაშინგტონში? მერმე მიაგნებთ კი?

— ჩვენ ქვევითად მივდივართ, — გაბედულად უპასუხა ბავშვმა.

— მერმე როდის იქნებით იქ?

— არ ვიცი, შეიძლება ხვალვე მივიდეთ.

— ხა-ხა-ხა! მატარებლით წაგიყვანთ, თორემ ფეხით იქ ერთ თვეზე ადრე ვერ მიხვალთ და გზაში წაღებოც დაგიცვდებათ.

ფილიპე და ლილიბელი, ამისთანა ბედნიერი შემთხვევით ალტაცებულნი, მაშინვე ვაგონში აცოცდნენ.

მუშებმა კუთხეში ერთი სკამი დაუთმეს, სადაც თავისუფლად შეეძლოთ გიმოქინათ. იმათ გაკვირვებას საზღვარი არ ჰქონდა, როდესაც მეორე დილას ვაშინგტონში გაიღვიძეს.

— მომისმინე, ლილიბელ, — უთხრა ფილიპემ თავის თანამგზავრს, — ახლა ჩვენ ნიუიორკიდან შორს აღარ ვართ, და იმდენად აჩქარება საჭირო აღარ არის. მე ცოტა ფული მაქვს და შეგვიძლია აქ დავჩქრეთ და ცოტა დავისვენოთ.

— შეიძლება აუარებელი ფულიც ვიშოვნოთ, თავგების წარმოდგენას თუ გავმართავთ, — ურჩია ლილიბელმა მხიარული სიცილით. — მე დარწმუნებული ვარ, ჩვენ მეტი ფეხით სიარული აღარ მოგვიხდება.

ფილიპეც იმედით აღსავსე იყო და როგორ არ დასთანხმებოდა ლილიბელის აზრს. ჯერჯერობით საჭმე ერთობ კარგად მიდიოდა. მართლაც არც ისე გასაკირია ახალ ორღეანში მისვლა.

ისინი ორ უღარდელ და მხიარულ მილიონერებსავეით აუჩქარებლად ქალაქის დათვალიერებას შეუდგნენ.

დათვალო ახლამე

(შემდეგი იქნება)





ლაბირინთი



ველი ბერძნების გადმოცემა გვიამბობს: მეფობდა ოდესმე საბერძნეთში მეფე ეგეი. მას ჰყავდა შვილი თეზეი. მშვენიერი სახის ვაჟკაცი, ახოვანი, ძლიერი და გულადი, საარაკო გმირულ მოქმედება-მოღვაწეობას იჩენდა ღ ამის გამო მამას თავისი მემკვიდრე უზომოდ უყვარდა. ერთხელ ბერძნებსა და კუნძულ კრიტოსის მცხოვრებთა შორის ასტყდა ომი. მეფე ეგეი ძლეულ იქმნა მტრისაგან, თავი დამარცხებულად აღიარა და იკისრა შიშიმე ხარკის ძლევა კრიტელებისთვის. კრიტოსის მეფედ იყო იმ დროს მინი. იმის სასახლის მახლობლად იმყოფებოდა საზარელი კაცის-ქამია შგელ-კაცი, სახელიად მინოთავრი. ცხოვრობდა იგი განცალკევებით ისეთ უზარმაზარ შენობაში, რომ იქ შესული ადამიანი გარედ გამოსვლას ვეღარ ახერხებდა, რადგან არა ჩვეულებრივ შენობის ოთხ-კუთხივ დახლართულ აუარებელ უთავბოლო დერეფნებში გზა ერეოდა, გამოსასვლელ კარს ვეღარ ჰპოულობდა და რჩებოდა იქ სამარადისოდ.

დაქსელილ დერეფნებში დატყვევებულს ბოლოს მინოთავრი ჰპოულობდა, ჰგლეჯდა ასო-ასოდ და სჭამდა. იმ სახითათო შენობას ერქვა ლაბირინთი.

დამარცხებულ საბერძნეთს კრიტოსის მეფესათვის ცხრა წელიწადში ერთხელ უნდა ეძლია მსხვერპლად შვილი რჩეული ქაბუკი და შვილი ქალწული, რომელთაც მინათავრს შეუგზავნიდნენ ხალმე ლაბირინთში.

ბერძნები დამორჩილდნენ ამ საშინელ ხეიდრს და დიდის მწუხარებითა და გლოვა-ვაებით გაუგზავნეს მეფეს შვიდ შვილი ქალ-ვაჟი ორ ვადაზე. გაგზავნილები უკან აღარ დაბრუნებულან. მესამეჯერ ბერძნებმა უარპყვეს ხარკის გადახდა და გადასწყვიტეს აღარ გაეგზავნათ შვილები მტრისათვის, რადგან რცხვენოდათ და ებრალებოდათ სიცოცხლით სავსე ახალგაზდები რომ ასე ელუებოდათ.

მეფე მინშა მოითხოვა დაწესებული ხარკი მესამედაც.

— ჩემი ცოცხალი თავით აღარ დავთანხმდები ამ სამარცხინო საცოდაობაზე. დეე მე თვითონ მაწამონ და ჩემი სამეფოს ძვირფას შვილებს კი ველარ გაუგზავნი გაუმაძლარი მგელ-კაცის ლუკმადო, — ბრძანა ეგეიმ.

მაგრამ შვილმა შესთხოვა მამას, რომ უკანასკნელად კიდევ დათანხმებულიყო და განწირულთა შორის ისიც გაეგზავნა.

— როგორ?! შენ გაგაგზავნო?!. მერე ვინ იქნება მოხუცებული მამის პატრონი? შენ ხომ ჩემი ერთადერთი შვილი ხარ?!. ვისთან უნდა დავრჩე უშენოდ? — უთხრა მეფემ შვილს განცვიფრებით.

თეზეიმ მამასა და ხალბს იმედი მისცა, რომ ის ბოლოს მოუღებდა მინოთავრის ხსენებას და გაანთავისუფლებდა სამშობლოს ამ სამარცხინო მონობისაგან. შვილის მტკიცე კილომ, დაბეჯითებულმა თხოვნამ და აღთქმამ მამას გული გაუმაგრა და მისცა საშინელ განსაცდელში წასვლის ნება.

— გისტუმრებ, შვილო, გულდაწყვეტილი, ლოცვა-კურთხევით, მაგრამ ჩემი ფიქრი და გონება შენთან იქნება; დღე და ღამ შენი დაბრუნების მოლოდინში ვიქნები; თვალი და ყური შენი გზისკენ მექირება. მე გადავდგები ზღვის პირას და თვალს ვადევნებ შორიდან მომავალ გემებს. თუ ღმერთმა ხელი მოგიმართა და მშვიდობით გადარჩი, გემზე თეთრი იალქანი ამართე, რომ გემს გულდამშვიდებული მივეგებო, — უთხრა მამამ შვილს.

თეზეი გამოეთხოვა მამას, ხალხს და ცამეტ განწირულ ქალ-ვაჟთა შორის გაემგზავრა მტრის ქვეყანაში. იქითობას გემზე ჩვეულებრივ შავი იალქნები ამართეს.

მეორე დღით გემი მიუახლოვდა კუნძულს. აი, გამოჩნდნენ შორიდან მთები, მეფის სასახლე... აი, საშინელი ლაბირინთი... იქ ცხოვრობს უღმობელი კაცის მქამელი მინოთაური, რომელთანაც მიდიან... აი, მიაღმა გემი ნაპირს. მოვიდნენ ჯარის კაცები, ჩაიბარეს საბერძნეთის საუკეთესო შვილები და წაიყვანეს ლაბირინთის ბქისაკენ... სტირიან ყველანი — ენანებათ თავი, ახალგაზდობა, სიცოცხლე, რადგან სული ტკბილია... არა სწუხს მხოლოდ თეზეი, მიდის წინ, ამაყად, მხნედ, მზიარულად, იმედიანად.

— ნუ გეშინიათ, ძმანო და დანო, გამაგრდით და გწამდეთ, რომ ყველანი მშვიდობით დავბრუნდებით ჩვენს ქვეყანაში! — ამხნევებს ის ამხანაგებს.

სამშობლოსათვის თავდადებულ ახალგაზდებს მოევლინა ვიღაც ქალწული, დაღვრემილი და თვალ-ცრემლიანი.

— ვინა ხარ, ან რათა სტირი, მშვენიერო ასულო? — შეეკითხა თეზეი.

— მე ვარ არიადნა, აქაური მეფის ასული; ესტირი თქვენს ბედს და მსურს მოგანიკოთ სიცოცხლე და თავისუფლება.



— რა გზით შეგიძლია ჩენი ხსნა?

არიადნამ გაიხმო თეზეი ცალკე, მისცა ძაფის გორგალი და შემდეგი დარიგება:


— ლაბირინთში რომ შეხვალ, ეს გორგალი წინ გაიგორე, ისე, რომ გზა-გზა დაირღვეს, და თუ შესძლებ მინოთავრის მოკვლას, დარღვეული ძაფი გიჩვენებს უკან დასაბრუნებელ გზას. ვისურვებ გზა მშვიდობისას და გამარჯვებას!..

თეზეიმ დიდი მადლობა გამოუცხადა მეფის ასულს, ამხანაგები კარებთან დასტოვა და თვითონ გაბედულად შევიდა შენობაში. ძაფის წვერი კარების საფეხურზე მიაბა და გორგალია ფეხით წინ გაიგორა. ამ რიგად მიალწია ლაბირინთის შუაგულს, შეებრძოლა მონოთავრს და მოჰკლა იგი. ახლა მხოლოდ გზის გამოგნება იყო საძნელო, მაგრამ ესეც გაუადვილდა, მიჰყვა რა იმ დერეფნებს, რომლებშიც ძაფი იყო გაბმული.

კარებთან ამხანაგები მოუთმენლად და გულის ფანქვლით ელოდნენ თეზეის დაბრუნებას, და წარმოიდგინეთ იმათი სიხარული, როცა იგი უვნებლად იხილეს.

საბერძნეთის ხალხი ამასობაში გულის წუხილით ელოდა გემის დაბრუნებას. მეფე ზღვის პირას იდგა და ცის ტატნობს გასცქეროდა... სიკვდილს გადარჩენილ ახალგაზღვებს მოულოდნელი სიხარულით იალქნების გამოცვლა დაჰვიწყებოდათ, და შორიდან რომ ისევ სამგლოვიარო იალქნები გამოჩნდა, მეფეს თავისი პირმშო შვილი დაღუპული ეგონა, მწუხარები-საგან გონება-დაკარგული კლდიდან ზღვაში გადავარდა და თავისი სიცოცხლე მის ტალღებს შესწირა. ამის გამო დაერქვა იმ ზღვას ეგეის ზღვა. მამის მაგივრად გამეფდა თეზეი,

რომლის მოღვაწეობით საბერძნეთი გამოვიდა სამარტონის
მონობიდან და მიიღო თავისუფლება.



აქ დაბატულია ლაბირინთის გეგმა. ძირს აღნიშნულია
შენობაში შესასვლელი კარი. უნდა გაიაროთ ამ კარებიდან
ღერეფნები, მიხვიდეთ ლაბირინთის შუაგულს, სადაც აღმოი-
ნია გამოსახული და მერტე იმავე მიმართულებით უკან გაო-
ბრუნდეთ. აბა, სცადეთ, იქნება თქვენც იპოვოთ სამშვიდო-
ბით გამოსვლის და თავისუფლების მომნიჭებელი გზა.

თეო. კანდელაკი



ანლაზები

(გურიაში შეკრებილი გ. ლომთათიძის მიერ)

ავის მქნელს ავი დამართებო.

ამოღებული ხმალი პურმარიღმა ჩააგო.

ალალი უყვარს უფალსა, არამი შესძულებია.

თუ მეზობელი კარგად გყავს, შენც კარგად ხარო.

ძუნწს მეტი დაეხარჯება.

ხუმრობა ნახევრად მართალიაო.

ხალხური ლექსები

(შეკრებილი ქართლში ნ. კვინიჭავჭავაძის მიერ)

ღრუბელი მისდევს ღრუბელსა,

მისდევდა უკან დევნითა,

მისდია, ვერ მოეწია—

სტიროდა ცხარე ცრემლითა.

კაი კაცის პურ-მარილი

ზღვზე ხილად გაიდება.

კარგ-კაცობა ქვანთ დადო,

გაიარო — წინ დაგხედება!

ქარო, ფრენა ვინ გასწავლა?
შეარდენო—ნადირობა?
გლებო კაცო—გარჯილობა,
ახნაურო—გაზრდ-ლობა

სადღევრძელო

გაკოცხლოს და გადღევრძელოს,
პური, ღვინო დაგიძველოს.
ცხრა უღელი ხარი მოგცეს,
გუთნეული დაგიგრძელოს;
შეიდი ვაჟიშვილი მოგცეს
თეთრი წვერით დაგიბეროს.
ღმერთმა სამი ქალი მოგცეს,—
სიძეები დაგიძველოს.

მე-8 და მე-9 №№-ში მოთავსებულ შარადების და რებუსის ახსნა.

1) დანამული მინდორი; 2) სარკველი; 3) რისხვა ბრძნი-
სა სჯობს ცრუსა ალერსსა.



დასურათებული საშემავილო ჟურნალი

საქართველოს
ხალხური

წელიწადი
მეთოთხმეტე

საკადული

წელიწადი
მეთოთხმეტე

ჟურნალი გამოსვა ჩვეულაზრივი პროგრამით

საგანგებოდ მოწვეულ სარედაქციო კომისიის ხელმძღვანელობით

მცირე-წლოვანთა და მოზრდილთათვის.

თუ გარემოებამ ხელი არ შეუშალა რედაქციას, გცდება მცირე-წლოვანთათვის წინანდელივით **ორი წიგნი** გამოსცეს თვეში და მოზრდილთათვის—**ერთი წიგნი**; წინააღმდეგ შემთხვევაში კი გამოიცემა თვეში ერთი წიგნი მცირე-წლოვანთათვის, 32 გვერდი, და ერთი წიგნი—მოზრდილთათვის.

ფასი ჟურნალისა: წლიურად ორივე გამოცემა—**12 მან.** ნახევარი წლით—**7 მან.** ცალ-ცალკე: მცირე წლოვანთათვის—**7 მან.** მოზრდილთათვის—**7 მან.** ფულის შემოტანა შეიძლება ნაწილ-ნაწილადაც.

რედაქციაში არის გახული წლის კომპლექტება.

ხალის მოწერა მიიღება

თბილისში— „ნაკადულის“ რედაქციაში, ზუბალაშვილის სახლი, გოლოვინის პროსპ. № 8. Редакция „Накадули“, Головинский пр. №8. შემოსახველელი—დავითარ ქუჩიდან, № 2., წერა-კითხვის გაშავრცელებელ საზოგადოების წიგნის მაღაზიაში, სასახლის ქუჩა; **ქუთაისში**—ისიდორე კვიციანიძესთან, მ ყაუხჩიშვილთან და თ. მთავარიშვილთან. **ფოთში**—ლუღმილე მეგრელიძესთან. **ბათუმში**—ტროფიმ ინასარიძესთან, ფოსტაში, ტ სამსონ ყაზიშვილთან—ქალაქის გამგეობაში. **თელავში**—ვანო პაატაშვილთან. **ახალციხეში**—კონსტანტინე გვარამაძესთან. **ბაქოში**—მეთოდე კაკაბაძესთან. **გორში**—ქეთევან ჯავახ-შვილთან ტ ნინო ლომოურთან. **ჭიათურაში**—ი. წერეთელთან. **ხონში**—მ. ი. ქავკანიძესთან. **მიხაილოვოში**—გიორგი ნაკაშიძესთან. **ოზურგეთში**—სალომე ხუნდაძესთან, **ლანჩხუთში**—შახწავლებელ ჯუღელთან.

რედაქტორი ნინო ნაკაშიძე
გამომცემელი მ. პავლე იოსების-ძე თუმანიშვილი.